

NY TOMBOKASEN' NY PASKA

 Tombontsoa iray marina tokoa ny tonga eto izao maraina izao, eo amin'ity tsingerin-taona nahaterahan'ny fivorian'ny Full Gospel Business Men eto Phoenix ity, sy ny mahafantatra fa nanaiky anjara kely iray amin'izany ho ahy ny Tompo, mba ho ampanahany fiombonana ity. Te-hiarahaba an-dRahalahy Carl Williams sy ny vadiny aho, Rahalahy Stromei, ny sisa eto amin'ny lampihazo, Rahalahy Shores, Rahalahy Outlaw, ireo mpitoriteny, ary ianareo olona mahafinaritra rehetra.

² Fantatrareo, izaho—izaho dia nanana tsingerin-taona nahaterahana iray tamin'ny herinandro lasa, ihany koa. Antitra kely bitika kokoa noho ny fivoriana fotsiny aho. Mino aho fa hoy izy hoe, “Dimy sy . . . taona, ho an'ilay fivoriana.”

³ Nisy olona iray nilaza, indray andro, nanao hoe, “Firy taona ianao, Rahalahy Branham?”

⁴ Hoy aho hoe “Enina amby roapolo.” Dia hoy aho hoe, “Nofafako ireo dimy amby roapolo taona voalohany. Tsy nanompo Azy tsara loatra aho tamin’izy ireo.” Hoy aho hoe, “Manantena aho fa Izy dia mamafa, ihany koa.” Ny hanao Azy hanao an’izany dia ho hafa.

⁵ Fa tsara ny tonga eto. Ary ankehitriny dia tsy te-haka betsaka ny fotoanareo izahay. Satria izahay . . . Izaho dia-matahotra aho, rehefa avy nandre ny sasany tamin’ireo fijoroana vavolombelona nahafinaritra, sy ireo zavatra izay miseho, ka izaho . . . sy ireo hira, ka hanao zavatra izay hanimba an’izany aho. Ary tiako ny hanampy eo amin’izany, raha nisy zavatra iray azoko anampiana amin’izany. Ireo anabavy . . .

⁶ Ilay rahalahy izay nihira an'ilay hira izao maraina izao, ilay rahalahy mainty hoditra, nankasitrahako izany, *Ny Maso Eo Amin'Ny Tsintsina*.

⁷ Ary ireo anabavy izay nihira an'io hira io, izay efa iray tamin’ireo fanampiana ahy hatramin’ny fotoana voalohany na ha-teto ahy. Manana an’izany aho. Manana an’izany eo amin’ny kapila iray aho, ary nalefako foana mihitsy ilay izy, *Ho Tiako Ny Hiresaka An’Izany Aminy Indray*. Ary nanontany an-dRahalahy Dawson Riley tao aho, ny sakaizako, raha afaka izy, ny sasany amin’izy ireo, raha hijery izy ireo raha hanao an’ireo ramatoa ireo, raha mbola teto an-tany izy ireo, hihi ra an’izany indray izao maraina izao. Ary manantena aho fa manana an’izany i Terry. Ary ataoko fa nanana izy. Tiako ny haka an’izany avy ao, angamba, hankao amin’ny kapila iray na zavatra iray, satria tiako marina tokoa io hira io. Ary izany no . . . ny faniriako dia ny hiresaka an’izany Aminy indray. Heveriko fa

isika rehetra dia te-hanao an'izany. Izany no maha-eto antsika izao maraina izao.

⁸ Ankehitriny, ireo fivoriana ho avy, amin'ny herinandro manaraka. Mety tsara ve ny milaza? [Hoy ny rahalahy iray hoe, "Azo antoka."—Mpand.] Izaho—izaho dia ho any an-trano amin'io herinandro manaraka io, any amin'ny tabernakla, amin'ny Alahady heriny, ho an'ny fivorian'ny Paska; Sabotsy hariva, Alahady, ary Alahady hariva. Ary avy eo aho dia hiverina any California. Ianareo olona rehetra manodidina an'i California, azo antoka fa faly ny banana anareo ao amin'ny fivoriana any. Ary heveriko fa namoaka filazana diso i Billy. Dia... Hoy izy hoe, "Ao amin'ny Biltmore Hotel," mino aho, "tokony ho ao ilay izy." Ilay izy dia... [Hoy ny olona iray hoe, "Tsy afaka nahazo an'izany."] Tsy afaka nahazo an'izany. Ary ilay izy ve dia ao amin'ny Eastmont? ["Embassy."] Embassy, ny Embassy Hotel. Noho izany ny olon'ny Full Gospel rehetra any no hampahafantatra anareo, raha mandalo any ianareo.

⁹ Ary avy eo dia hiverina avy any izahay, ka handeha hankany Afrika Atsimo avy eo. Iray volana fotsiny manomboka androany, dia handeha any Afrika Atsimo izahay, manantena fotoana iray lehibe ao amin'ny Tompo, eo amin'ny firenena telo eo any. Noho izany izahay—mangataka ny vavakareo tokoa izahay. Mety tsy afaka hahita anareo intsony aho angamba, raha manohy manao anay handeha ny Tompo, mandra-piveriko. Ary manantena fa hanao tatitra iray lehibe ho anareo aho rehefa miverina izahay.

¹⁰ Tamin'ny fotoana farany tany, heveriko fa nanome ahy ny fivoriana lehibe indrindra izay hany nananako ny Tompo. Ary indray mandeha, ho an'ny antso eny amin'ny alitara iray... Ankehitriny, ity dia tena ireo teratany mihitsy. Araka ny fantatro, dia nisy telo alina no nanaiky an'i Kristy tamin'ny fotoana anankiray. Dia nihevitra izahay fa ny fanasitravana ara-batana angamba no tian'izy ireo nolazaina, satria nisy teo amin'ny dimy arivo sy iray alina no sitrana tamin'ny fotoana iray. Ary ny ampitso, ny ben'ny tanànan'i—i Durban, dia Sidney Smith, no nanao hoe, "Mandehana mankeo amin'ny varavarankelinao, jereo izay miseho eo an-dàlambe." Ary nisy kamiao sy kamiao, feno tehina tranainy nivangongo fotsiny sy ny sisa, nivangongo fotsiny; ka nandeha taoriana izy ireo, ireo teratany, izay niady samy izy, nandeha teny amin'ireo lâlamben'ny tanàna, nihira ny *Minoa Fotsiny* tamin'ny fitenindrazany.

¹¹ Teneniko aminareo, nifaly ny foko. Toy ny... Rehefa mahita zavatra tahaka an'izany ianao, Rahalahy Shores, dia tsapanao fa tsy foana ny asanao amin'izay fotoana izay. Hitanao, niezaka ianao. Ary manantena aho fa hamerina an'izany indray Andriamanitra, tsy hoe satria—satria izahay no nandeha tany, fa satria miandry ny Fihavian'ny Tompo isika.

¹² Ary araka ny nolazain'ilay hira, isika dia mitady an'io ondry kely, very io, izay, izay... Izy—tsy ho avy Izy raha tsy miditra io ondry io. Tsy maintsy ao anatin'ny vala ny tsirairay avy. Tsy hanakatona ny varavarana Izy raha tsy miditra io anankiray farany io. Noho izany, ry rahalahy mpitoriteny, dia azoko antoka fa miaraka aminareo aho, izao maraina izao, hiezaka hitady an'io ondry farany io. Mety eto Phoenix izany, izao maraina izao. Tsy fantattro. Fa rehefa miditra io farany io, amin'izay fotoana izay dia hanakatona ny varavarana ilay Mpiandry ondry.

¹³ [Hoy ny rahalahy iray hoe, “Rahalahy Branham?”—Mpand.] Eny? [“Afaka milaza teny iray fotsiny ve aho?”] Afaka tokoa ianao. [“Nanadino zavatra iray aho. Niresaka izahay mikasika...” Elanelana tsy voaraki-peo.] Mety tanteraka tokoa izany. [“Ary fantattro, ny olona rehetra dia manadino zavatra iray, matetitetika.”] Tsy izaho. [“Oh!”]

¹⁴ Izaho no anankiray izay tsy maintsy manoratra an'izay ho lazaiko, saiky. Izaho dia... Hatramin'ny naha-antitra ahy, dia hitako fa sarotra kokoa ny mahatsiaro, mandray naoty an'ireo Soratro aho, sy ny sisa. Taloha, dia afaka nandahatra teo amin'ny Soratra dimampolo teo aho tao an-tsaiko, ary tsy akory aza... namoaka azy hatramin'ny farany mihitsy, fa nahavita maily sarotra betsaka aho taorian'ireo andro ireo.

¹⁵ Noho izany, miandry ny Fihavian'ny Tompo isika. Ny Tompo hitahy anareo rehetra!

¹⁶ Ary avy eo tonga eto ambony eto ianareo, ka mieritreritra ianareo... Mipetraka eto ianareo ka mandre an'ireo olona ireo mijoro vavolombelona. Mieritreritra ianareo hoe, “Eny, rehefa mitsangana aho, dia hilaza zavatra mikasika an'izany.” Avy eo, misy zavatra betsaka ho lazaina, ka mandrity ny andro manontolo no hilazanareo an'izany. Fa, mankasitraka anareo rehetra tokoa aho. Enga anie hitohy hitombo ity favoriana kely ity. Enga anie ny fiangonana tsirairay eto Phoenix hitombo tsy ankitsahatra mandra-pihavian'i Jesosy, izany no fivavako tso-po.

¹⁷ Ankehitriny, heveriko, mba hampiala sasatra kely antsika fotsiny, dia ndao isika hitsangana raha hanao vavaka. Sitrakareo ve?

¹⁸ Andriamanitra Tsitoha, ilay Rain'i Jesosy Kristy Tomponay, Izay nanangana Azy tamin'ny maty, ary nanolotra Azy ho anay mba ho fanatitra, ary ho Tompo iray sy Mpamonjy. Tena mankasitraka Anao izahay ny amin'ity tombontsoa izay anananay ity izao maraina izao, ny mitsangana ao amin'Ny Fanatrehanao, miaraka amin'ny Olsonao izay navotana ka miandry Ny Fihaviany faharoa be voninahitra, mba handray anay ho an'ny Tenany. Raha misy fahotana eto anivonay, Tompo, dia diovy amin'ny Hysopanao izahay. Ary mivavaka izahay, Ray

any An-danitra, mba Hanasitrananao ny olona marary rehetra eto afovoanay.

¹⁹ Ary raha misy, sendrasendra, ireo izay tsy mahafantatra Anao, ao amin'io batisa lehibe an'ny Fanahy Masina izay tena iadianay fatratra io, ary milaza an'izany ho tsy maintsy iray, araka ny Soratra ho an'izao andro farany izao, dia mivavaka izahay, Andriamanitra, mba Hidinanao eo aminay rehetra, androany, ka hanao batisa anay indray ao amin'ilay Vatana, ary hitondra an'ireo any ivelany, hiditra, ihany koa, Ray.

²⁰ Tahio izahay raha mamaky Ny Teninao sy miezaka ny hiresaka an'izay Fahamarinan'Ny Teninao. Akombony ny vavanay amin'izay tsi-fahamarinana, ary sokafy ny fonay sy ny vavanay ho amin'izay Fahamarinana, raha mametraka ny tenanay eo Aminoao izahay. Ampiasao ny vavanay mba hiteny, sy ny sofinay mba handre, ary ny fonay mba handray. Fa mangataka an'izany amin'ny Anaran'i Jesosy izahay, Izay nanendry azy ho toy izany. Amena.

²¹ Tiako ny hamaky avy amin'ny Teny Masina, toerana telo ao amin'ny Baiboly. Ary raha handray naoty azy ireo ianareo, ka tianareo ny hanaraka azy ireo hatramin'ny farany, hamaky azy ireo ho an'ny fanazavana fanampiny, dia ho faly aho raha handray naoty azy ireo ianareo. Ireo toerana izay ho vakiako dia Matio 28:1-10, ary avy eo Apokalypsy 1:17-18, Romana 8:11. Ary afaka hamerina azy ireo indray aho. Ary ankehitriny Matio 28:1 hatramin'ny 10, Apokalypsy 1:17 hatramin'ny 18, ary Romana 8:11.

²² Ankehitriny dia manatona ny Paska isika. Ary raha eo ampitadiavana ny toeranareo ianareo, ka mandray naoty an'izany. Heveriko fa io herinandro ho avy io no herinandro lehibe indrindra sy manan-tantara indrindra amin'ireo herinandro rehetra an'ny taona. Heveriko fa ny zavatra lehibe indrindra izay hankalazantsika amin'io herinandro io, io herinandro ho avy io, no zava-mitranga malaza indrindra izay hany nisy teto ambonin'ny tany. Tsy mihevitra zavatra iray izay afaka hihoatra an'izany aho. Hoy ianareo hoe, "Eny, ny—ny fanohomboana no nalaza." Saingy olona maro no maty, olona maro no nohomboana, na dia tamin'ireo andron'ny Tompontsika mihitsy aza. Saingy Anankiray tamin'izy ireo fotsiny ihany No nitsangana tamin'ny maty. Izany no nanisy tombokase an'ilay izy.

²³ Ankehitriny dia te-hamaky aho. Ary karazana hafatra kely iray mialohan'ny Paska ity, raha sitrakys ny Tompo, eo amin'ny efapolo minitra eo. Ankehitriny dia ndao isika hamaky avy ao amin'ny Filazantsaran'i Masindahy Matio, ny toko faha-28, manomboka.

*Tamin'ny fiafarano'ny sabata, raha nanomboka nazava
ratsy ny andro nankany amin'ny andro voalohany*

amin'ny herinandro, dia tonga i Maria Magdalena sy ilay Maria hafa mba hijery ny fasana.

Ary, indro, nisy horohorontany lehibe: fa nidina avy tany an-danitra ny anjelin'ny Tompo, ka tonga ary nanakodia ny vato niala tamin'ny varavarana, ary nipetraka teo amboniny.

Ny endriny dia tahaka ny tselatra, ary ny fitafiany dia fotsy toy ny oram-panala:

Ary nohon'ny fahatahorana azy ireo hovitra dia... ireo mpiambina (mamelà ahy) dia nangovitra, ary lasa tahaka ny olona maty.

Ary namaly ilay anjely ka nanao tamin'ireo vehivavy hoe, Aza matahotra ianareo: fa fantatro fa ianareo dia mitady an'i Jesosy, izay nohomboana.

Tsy ato izy: fa efa nitsangana izy, araka ny nolazainy. Avia ka jereo ny toerana izay nandrian'ny Tompo.

Ary mandehana haingana, ka teneno ireo mpianatra fa efa nitsangana tamin'ny maty izy: ary, indro, mialoha anareo any Galilia izy; any no hahitanareo azy: indro, efa niteny taminareo aho.

Dia niala haingana teo amin'ny fasana izy ireo niaraka tamin'ny tahotra sy fifaliana lehibe; ary nihazakazaka ka nitondra ny teny tamin'ireo mpianatra.

Ary raha nandeha izy ireo mba hiteny amin'ireo mpianany, indro, nifanena tamin'izy ireo Jesosy, nanao hoe, Finaritra. Ary nanatona izy ireo ka nihazona azy tamin'ny tongotra, ary niankohoka taminy.

Dia hoy Jesosy tamin'izy ireo hoe, Aza matahotra: mandehana teneno ireo rahalahiko mba handehanan'izy ireo any Galilia, fa any no hahitan'izy ireo ahy.

²⁴ Ary Apokalypsy, ny toko faha-1, ary ny andininy faha-17 sy faha-18.

Ary rehefa nahita azy aho, dia lavo teo an-tongony tahaka ny maty. Fa izy nametraka ny tànany ankavanana teo amiko, nanao tamiko hoe, Aza matahotra; Izaho no voalohany sy ny farany:

Izaho no ilay velona, ary efa maty; ary, indro, aho velona mandrakizay mandrakizay, Amena; ary manana an'ireo fanalahidin'ny fahafatesana sy ny helo.

²⁵ Ary ao amin'ny Bokin'ny Romana, ny toko faha-8, ka manomboka amin'ny andininy faha-11.

Fa raha ny Fanahin'izay nanangana an'i Jesosy tamin'ny maty no mitoetra ao anatinareo, dia izay nanangana an'i Kristy tamin'ny maty ihany koa no

*hamelombelona ny tenanareo mety maty amin'ny
Fanahiny izay mitoetra ao anatinareo.*

²⁶ Ankehitriny dia matoky aho fa hanampy ny Fitahiany amin'ny famakiana an'ireo Teny ireo ny Tompo Jesosy, Satria dia, Paska, nataoko fitomboka tao am-poko manokana izany ho favoriana lehibe indrindra, na ny zava-nitranga lehibe indrindra amin'ny—ny taona.

²⁷ Te-hangataka aminareo aho mba hamela ahy vetivety. Tsy somary mikarantsana eo aminareo ve izao, somary mierona? Mety tsara ve ilay izy? Afaka mandre azy tsara ve ianareo tahaka an'izao? Oh! Tsy afaka mandre azy ianareo. Tsaratsara kokoa ve izao, tahaka an'izao mihitsy? Tsy te-hanakaiky loatra aho.

²⁸ Ankehitriny, nahoana aho no milaza an'izao, dia satria hoe, ny Paska, no Nanaporofoiny an'izay nolazain'ny Baiboly. Amin'ny Soratra rehetra izay nosoratana ny amin'izay Hataony, dia nanisy tombokase ny maha-Mesia Azy Izzy rehefa nitsangana tamin'ny maty Izzy, ny tombokasen'ny Paska. Manana betsaka amin'izany isika amin'izao andro izao izay resahantsika, hoe, mividy an'ireo tombokasen'ny Paska. Eny, tiako ny hiresaka izao maraina izao eo amin'ny: *Ny Tombokasen'Ny Paska*. Izany dia tombokase hafa iray noho izay vidiantsika amin'ny volantsika, tahaka ny tombokase iray araikitra eo amin'ny taratasy, heveriko, ny Tuberculosis Association na inona no hiantsoan'izy ireo azy. Izaho—heveriko fa ity tombokase ity dia tombokase hafa kely iray. Ary satria ny Paska no andro malaza iray amin'ny taona ho antsika Kristiana izay milaza fa zanak'Andriamanitra, dia tiako ny hanandrana hiditra ao amin'izany ka hahita hoe ahoana no tokony hiombonantsika amin'io zavatra lehibe izay nataon'i Kristy ho antsika io.

²⁹ Ny Tenin'Andriamanitra dia efa voambara an-jato taonany maro, maro talohan'Ny Fihaviany, ny amin'ny fanohomboana Azy, sy ny amin'ny Fahafatesany, sy ny amin'ny Fijaliany, ary ny amin'ny Fitsanganany ihany koa. Hanao an'ireo favoriana ireo isika, angamba, amin'ny herinandro manaraka, raha mihaino isika an'ireo—ireo fandaharantsika amin'ny radio; ary ao amin'ireo fiangonantsika, miaraka amin'ireo pasiterantsika, sy ny sisa, amin'ity herinandro ho avy ity.

³⁰ Fa amin'ireo andro rehetra sy ireo zavatra rehetra izay nataon'i Jesosy, ary mankasitraka tokoa ny Fanamarinany rehetra an'ny Tenin'Andriamanitra sy izay Nataony mba hahatanteraka an'Izany: ny fanasitrana ny marary, fananganana ny maty, fandroahana devoly, fitoriana ny Filazantsara amin'ny malahelo, ary ny fanatanterahana ny Teny tsirairay izay nolazain'Andriamanitra izay Hataony rehefa tonga Izzy; ary avy eo koa dia njaly ho an'ny fahotantsika, teo amin'ny toerantsika, ho fanaovam-panavotana ho an'ny fahotantsika, teo amin'ny hazo fijaliana, izay tsy nisy olon-kafa

afaka nahavita an'izany afa-tsy Izy. Fa ambonin'izany rehetra izany, dia neveriko fa ny Paska no nanisy tombokase an'ilay zavatra manontolo.

³¹ Satria, efa nisy mpaminany teto ambonin'ny tany, izay efa naminany Talohany. Efa nisy mpaminany teto ambonin'ny tany, izay nanasitrana ny marary, nanangana ny maty mihitsy aza, ary nanao an'ireo famantarana iray ihany izay nataon'i Jesosy.

³² Fa ny Paska no nanaporofo an'izany. Izany no nanisy tombokase ny Tenin'Andriamanitra mandrakizay, ho an'ilay mpino marina. Ny aizina sy ny fisalasalana rehetra dia rava, tamin'io maraina feno fitahiana io. Ny olona dia voahidy, arak'izany, tao anatin'ny tranon'ny tranomaizina, na dia olona mpivavaka aza talohan'io andro io, satria izy ireo dia efa... nahita an'ireo hetsika ara-pivavahana lehibe, sy ny hetsiky ny Fanahy Masina, sy ny sisa. Fa rehefa maty ny olona iray, dia toy ny hoe nilamina hatreо izany. Fa rehefa tonga ity Anankiray ity, ka nanao hoe, "Manana fahefana hanolotra ny Aiko Aho; manana fahefana haka Azy indray Aho," ary avy eo dia nandeha nanaporofo an'izay Nolazainy, ho ahy, izany—izany no tombokase an'izany, rehefa—rehefa voalaza ny zavatra iray ary avy eo dia niverina ka voaporofo.

³³ Raha milaza ny lehilahy iray, ohatra i Columbus, izay nino fa boribory ny tany, ka nandinika an'ireo sambo izy, araka ny notenenina tamintsika, hoe ahoana fa tonga izy ireo, ka afaka nahita an'ilay andrin-tsambo izy talohan'ny nahafahany nahita an'ilay sambo. Ary izany no nanaporofo taminy fa boribory ny tany. Tsy nino an'izany ny olona tamin'izany andro izany, saingy lehilahy nanana fahitana izy. Nanapa-kevitra izy ny hanaporofo marina tokoa fa ny azony tamin'ny fahitana iray, dia izany no fahamarinana.

³⁴ Ary Andriamanitra dia nikasa ny hanaporofo Ny Teniny, ho ny Fahamarinana. Noho izany Izy... Lehilahy anankiray ihany no afaka nanao an'izany, ary izany dia Jesosy. Ary tonga Izy ka nanaporofo an'izany ho ny Fahamarinana. Izany no nanisy tombokase an'ilay izy. Ary namotika ny tombokase rehetra an'ny aizina izany, ka nanaparitaka ny—ny finoanoam-poana rehetra an'ireo fivavahana hafa, sy ny sisa, nefà nitsangana ireo lehilahy malaza ka nilaza zavatra lehibe, mahafinaritra; saingy izy ireo dia, ny tsirairay avy, ao am-pasana. Fa ny fivavahantsika Kristiana no hany tokana izay manana fasana foana. Ary izany no manaporofo amiko fa Izy no Andriamaniry ny maty, sy Andriamaniry ny velona, hoe Izy dia afaka manangana ny maty, hiverina amin'ny fiainana indray. Ary izaho... io hery mamelembelona io, Fanahy mamelembelona avy amin'ny Azy, no nanaporofo nanerana ny taona fa Izy no Anankiray Izay afaka mamelembelona ny maty, hiverina amin'ny fiainana indray.

³⁵ Ary rehefa Noporofoiny tamin'ny alàlan'ny Fampanantenany, io hery mandresy lehibe izay Nananany io, dia Noporofoiny tamin'ny Paska fa afaka mandresy ny fahafatesana, ny helo, ary ny fasana Izy. “Izaho Izay maty, nefá velona indray, ary velona mandrakizay; ka manana ny fanalahidin’ny—ny fahafatesana, ny helo, ary ny fasana.” Inona ny—ny filazana iray toy ny inona hataon’ny olona iray. Ary tsy Nataony fotsiny ihany izany, fa efa Noporofoiny fa Izy—Izy dia nanana an’izay Nolazainy fa ananana.

³⁶ Ary heveriko, Andriamanitra dia manafaingana an'ilay andro izay isika, amin'ny maha-Kristiana izay mino an'ity Baiboly ity, dia afaka manaporofo an'izay resahantsika. Hitanareo? Izany no manao, araka ny voalaza vao teo hoe, “Ny siran’ny tany,” hoy ilay anabavy. Marina izany. Mitady an'io sira io izao tontolo izao. Ary rehefa afaka manaporofo amin'ny alàlan'ny fiainantsika isika, ary amin'ny alàlan'ny Baiboly, fa ny fiainantsika dia manamarina fa velona io Teny io amin’izao andro izao, dia izany ilay andro izay andrasantsika.

³⁷ Ny Teny . . . “Io Fanahy io,” Romana 8 eo hoe :11 no nilaza, “Raha io Fanahy izay nanangana an’i Jesosy Kristy io no ao anatinareo, dia hamelombelona ihany koa ny vatanareo mety maty.” Tsy nanaporofo Taminy fotsiny Izy, tamintsika, hoe Izy no Jehovah Mpanavotra ary nanana fahefana teo amin'ny fahafatesana, ny helo ary ny fasana, fa Nomeny antsika koa ny fidirao ao amin'ilay Fanahy iray ihany, mba ahafahan’ny tenantsika hanana antoka fa isika koa dia velombelomin’io Fanahy io. Satria ilay Fanahy izay nanangana an’i Jesosy tamin’ny maty no mitoetra ao amin'ny vatanareo, dia Izany ihany koa no hamelombelona ny vatanareo mety maty. Ankehitriny, ny teny hoe *mamelombelona* dia midika hoe “natao velona taorian’ny fahafatesana.” Rehefa avy maty izy, amin’izay fotoana izay dia tsy maintsy velombelomina.

³⁸ Izao tontolo izao dia voahidy tao anatin’ny fisalasalana, nandritry ny taona maro ka hatramin’io fotoana io. Ity dia voaporofo, tsy noresahana fotsiny, fa voaporofo. Heveriko fa ny zavatra rehetra izay mendrika . . .

³⁹ Araka ny nolazain’i Jesosy hoe, “Mandehana ianareo arak’izany, ampianaro ny firenena rehetra; ka porofoy amin’izy ireo, amin'ny alàlan'ny fanehoana ny herin’Andriamanitra amin’izy ireo. Izao famantarana izao no hanaraka an’ireo izay mino.” Ireo izay mampanantena sy milaza fa mino izy ireo, dia Izy no nanome antsika fahazoana mazava an’izany, hoe, “Izao famantarana izao no hanaraka an’ireo izay mino.” Izany no ho porofon’ny filazan’izy ireo. Ankehitriny, afaka milaza isika hoe mino isika. Saingy mandra-pahazoantsika an'ilay famantarana voaporofo izay Nolazainy fa ho eo amintsika, amin’izay fotoana izay dia *milaza* fotsiny isika hoe mpino, fa tsy ilay *fananan’ireo* mpino.

⁴⁰ Satria, tsarov... Andro vitsy lasa izay, dia nihaino f-fandaharan'ny radio iray aho teo amin'ny KAIR any Tucson. Ary naka lafiny nanohitra antsika io mpitoriteny io, hoe, "Tsy misy afa-tsy saron-tava iray fotsiny ny fivavahana pentekotista. Nisy... Aza mihaino an'izany. Tsy marin-toerana izany." Dia hoy izy, "Ny olona rehetra izay niteny tamin'ny fiteny tsy fantatra, ary ireo zavatra ireo, ka mihambo ho izany, manasitrana ny marary, sy ny sisa, amin'ny alàlan'ny vavaka, izany no tokony halavirina. Ary ny mivavaka ho an'ireo olona mahanttra mampalahelo ireo, satria izy ireo dia ao anatin'ny-ny fitaka iray, hoe nisy zavatra tsy nety tao amin'izy ireo." Oh, toy ny ahoana no itiavako hiresaka amin'io rahalahy io vetivety fotsiny! Ary nilaza izy fa ny... "Izany, izany dia nomena ho an'ireo apostoly fotsiny ihany tamin'ny Andron'ny Pentekosta, ary izay ihany."

⁴¹ Hitako fa, telopolo taona taty aoriana, dia nandamina an'ireo fanomezam-pahasoavana ireo tao amin'ny Fiagonana i Paoly. Ao amin'ny Korintiana Voalohany 15, hoe, "Izy dia nametraka tao amin'ny Fiagonana ny fanomezam-pahasoavana ny fitenenana amin'ny fiteny tsy fantatra, ireo fahagagana. Ary napetraka tao amin'ny Fiagonana ireo fanomezam-pahasoavana rehetra ireo."

⁴² Jesosy no nilaza an'izany. "Mandehana ianareo mankany amin'izao tontolo rehetra izao ka mitoria ny Filazantsara amin'ny olombelona rehetra" Hatraiza? "Izao tontolo rehetra izao." Amin'iza? "Ny olombelona rehetra." Tsy mbola nandray an'Izany mihitsy izy ireo. "Ary izao famantarana izao no hanaraka an'ireo izay mino." Mandra-pahoviana? "Izao tontolo rehetra izao." Amin'iza? "Ny olombelona rehetra. Izao famantarana izao no hanaraka azy ireo, any amin'izao tontolo rehetra izao, ary amin'ny olombelona rehetra. Izao famantarana izao no hanaraka azy ireo: handroaka devoly amin'Ny Anarako izy ireo; hiteny amin'ny fiteny vaovao; raha handray zava-mahafaty izy ireo, na menarana, na hisotro zava-mahafaty, dia tsy hampaninona azy ireo; hametraka ny tànany eo amin'ny marary izy ireo, dia ho sitrana ireny." Izany no Fanirahany farany ho an'ilay Fiagonana, Marka ny toko faha-16.

⁴³ Mandamina an'ireo fanomezam-pahasoavana ireo ao amin'ny Fiagonana i Paoly, telopolo taona taty aoriana. Ary nilaza, ao amin'ny Galatiana 1:8 hoe, "Raha Anjely iray avy any An-danitra no mitory aminareo filazantsara hafa noho Ity izay efa noraisina ity," hitanareo, efa voatory, "dia aoka izy ho voaozona." Mino aho fa ny pentekosta dia nanomboka tsy misy fiafarana iray. Mino aho fa ho an'ny olombelona rehetra izany, isan'andro, any amin'ny toerana rehetra, ka tokony hijanona isan'andro io pentekosta io. Tokony ho eo amin'ny olona ireo fitahiana pentekotista.

⁴⁴ Ary ankehitriny, inona izany fitahiana pentekotista izany? Izany dia fanamarinana ny fitsanganana. Tsy mahagaga raha ny Filazantsara Izy tenany dia midika hoe “vaovao tsara.” Vaovao tsara mikasika ny inona? Nitsangana tamin’ny maty Izy. “Ary satria velona Aho, dia velona koa ianareo.” Ianareo izay maty indray mandeha tao amin’ny fahotana sy ny heloka, dia namelobelona antsika miaraka Andriamanitra, tamin’ny alàlan’io Fanahy izay nanangana an’i Jesosy tamin’ny maty io. Ary mipetraka ao amin’ireo toeran-Danitra miaraka Aminy isika ankehitriny, miombona Aminy, miresaka Aminy. Fifaliana iray toy ny inona ny miteny an’izany tantara izany amin’ny olona, izay mino an’izany ho ny Fahamarinana!

⁴⁵ Manontany aho, androany. Izany no mitranga. Mitondra ny olona eo amin’Andriamanitra marina tokoa ve isika, sa mitondra azy ireo mankao am-piagonana fotsiny? Tsy maintsy mitondra azy ireny mankeo amin’i Kristy isika, izay misy an’io hery mamelembelona io. Tsara ny mandeha any am-piagonana. Azo antoka. Raha hatreо no lavitra andehanantsika, dia tsy lavitra loatra izany. Rehefa tonga ao am-piagonana ianareo, dia tsara izany; saingy manohiza hatreо amin’i Kristy, avy eo amin’ny fiagonana, satria tsy maintsy mandray an’io hery mamelembelona io isika, raha mba manantena ny ho ao anatin’io fitsanganana faobe io, satria izany ihany no zavatra tokana izay hany hitondra antsika avy ao amin’ny maty. “Fa raha io Fanahy izay nanangana an’i Jesosy tamin’ny maty io no mitoetra ao anatinareo, dia Izany ihany koa no hamelobelona, manao, mitondra ny vatanareo mety maty ho amin’ny fiaianana.” Teny fikasana iray toy ny inona ho antsika!

⁴⁶ Mariho ankehitriny. Ny tena fototr’io fitsanganana io dia ny hiteny sy haneho, ary hanaporofo fa nitsangana tamin’ny maty Jesosy. Tsy maty Izy. Velona Izy. Velona eto Izy. Ao anatintsika Izy. “Homba anareo Aho, ho ao anatinareo mihitsy aza. Vetivety foana dia tsy hahita Ahy intsony izao tontolo izao. Fa, ianareo no hahita Ahy, satria homba anareo Aho, ho ao anatinareo mihitsy aza, hatramin’ny faran’izao tontolo izao.”

⁴⁷ Ankehitriny, amin’ny maha-Kristiana, dia milaza isika rehetra fa velona Izy, na isika dia efa novelobelomina avy tamin’ny—novelobelomina avy tamin’ny fiaianana...avy tamin’ny fahafatesana ho amin’ny Fiaianana, tamin’ny alàlan’Ny Fanahiny. Ary raha tsy novelobelomina isika, amin’izay fotoana izay dia tsy natao velona isika.

⁴⁸ Ankehitriny dia hiditra ao amin’ity lohahevitra ity isika, raha sitraky ny Tompo, ary karazan’ny hampianatra kely an’izany mandritry ny minitra vitsy, ahoana fa: novelobelomina ve isika, ary afaka manana antoka ve isika fa ity no Fahamarinana?

⁴⁹ Ankehitriny, ny ainareo manokana ity, ny aiko manokana ity. Eo amin'izany no . . . Raha tsy ity no Fahamarinana, izay vonona ho lazaiko, amin'izay fotoana izay dia izaho no iray amin'ny olona adala indrindra eto amin'izao tontolo izao. Nanolotra ny aiko ho an'ny zavatra iray izay tsinontsinona aho, ary toy izany koa ianareo. Fa raha izany no Fahamarinana, amin'izay fotoana izay dia manolotra ny zavatra rehetra izay maha-izy ahy aho. Manolotra ny zavatra rehetra izay mety maha-izy ahy aho, ho an'ilay antony, izay tohanantsika. Ary heveriko fa tsy tokony hanary ny hafanam-pontsika isika.

⁵⁰ Ary satria mahita ny Paska manatona isika, dia manao zavatra iray ao anatiko fotsiny izany, satria aho—fantatro fa izany no andro izay nanasiana tombokase mandrakizay an'ilay zavatra, eo imason'Andriamanitra.

⁵¹ Ankehitriny, mahamarika isika, ilay Fanahy iray ihany izay nanangana Azy avy tao am-pasana, no mitoetra ao anatintsika. Ankehitriny, ahoana no hampety an'izany? Ilay Fanahy izay nanangana, an'Andriamanitra, Jesosy tamin'ny maty, no mitoetra ao anatintsika.

⁵² Ankehitriny, ankehitriny, ny Fanahy no mamelembelona. Tsy ny Teny no mamelembelona. Ny Fanahy no mamelembelona ny Teny, na manome Aina ny Teny, manome helatra Azy hanidinana, manome lèlana Azy. Ny Fanahy no manao an'izany.

⁵³ Ankehitriny, ny vary, irery, dia vary iray fotsiny; fa rehefa miditra ao anatin'ny ilay aina mamelembelona, ao anatin'ilay vary, amin'izay fotoana izay dia izany no manome aina azy. Ary isika izay maty fahiny, natao tamin'ny endrik'Andriamanitra, kanefa maty tao amin'ny fahotana sy heloka, dia misy lèlana iray tsy maintsy nampidiran'Andriamanitra an'io Aina mamelembelona io tao anatin'ny vatantsika mety maty. Miresaka ny amin'ny vatanareo aho.

⁵⁴ Ankehitriny, Jesosy no Teny. Mino an'izany ianareo, sa tsy izany? "Tamin'ny voalohany . . ." Masindahy Jaona 1, "Tamin'ny voalohany ny Teny, ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika."

⁵⁵ Ankehitriny, amin'ny maha-Mesia nampanantenaina, dia namelombelona ny Teny tsirairay izay naminaniana fa Hataony Izy; manasitrana ny marary, ary ahoana fa ho hateraky ny virijiny iray Izy, izany rehetra izany, nanao an'izany. Marina izany. Izy no Teny, voasaho teto an-tany, saingy tsy afaka nanao an'izany amin'ny maha-Lehilahy iray fotsiny Izy. Nila ny Fanahin'Andriamanitra izany, nonina tao Aminy, mba hamelombelona an'ireo teny fikasana ireo ho Azy. Manantena aho fa azontsika tena mazava izany ankehitriny. Jesosy, satria Lehilahy iray, Izy tenany, ilay vatana, saingy nila ny Fanahy tao Anatiny, ny Fanahy. "Tsy Izaho no manao an'ireo asa. Izany

dia Ny Raiko izay mitoetra ato Anatiko. Izy no Anankiray izay manao an'ireo asa." Hitanareo? Jesosy Izy tenany no Teny, satria Izy no... Eo anatrehan'Andriamanitra...

⁵⁶ Teny iray tsy tsara hampiasaina ity, ary manantena aho fa handray azy tsara ianareo, eo anatrehan'ny olona marobe. Fa Izy dia voafidy mialoha tamin'ny alàlan'ny fahalalana mialoha an'Andriamanitra, ahoana fa tsy maintsy izany no drafitr'Andriamanitra, hoe handefa Mpanavotra iray Izy, ary Ny Zanany Manokana irey ihany io Mpanavotra io. Koa, noho izany, izany no teny fikasan'Andriamanitra, nanomboka tany amin'ny sahan'i Edena tany, hoe ho eto Jesosy. Teto Izy ho Lehilahy iray, nateraky ny virijiny iray, saingy nila ny Fanahin'Andriamanitra hamelombelona an'io Teny io ho Azy izany. Ary Izy no Teny, novelombelomina, ny Teny novelombelomina ho an'io ora io. Tonga ny fotoana izay tsy maintsy nanananareo Mpanavotra iray. Tsy nahomby ny lalàna. Tsy nahomby ireo zavatra hafa. Ankehitriny, dia mila Mpanavotra iray izany, ary Izy no Mpanavotra nampanantenaina. Novelombelomin'ny Tenin'Andriamanitra Izy.

⁵⁷ Ary ankehitriny raha io Fanahy iray ihany izay teo Aminy io mba ho Mpanavotra tao amin'io taona io, ka nekentisika ankehitriny ny teny fikasana mikasika an'izao andro farany izao, izay hiseho; raha lasa ampanhan'izany Teny izany ianareo, dia navotana niaraka Taminy, satria ilay Fanahy iray ihany izay nitoetra tao amin'i Kristy no mitoetra ao anatinareo, mamelembelona ny ainareo ho an'ity taona ity. Ary Izany koa, amin'ny andro farany, dia hamelombelona ny vatanareo mety maty, hanangana azy ireo, hampakatra azy ireo indray. Izany no manaisotra ny aizina rehefa mijery an'izany isika. Ary izany—ary izany no Fahamarinana. Hitanareo?

⁵⁸ Romana eto, nanaporofa an'izany tamintsika i Paoly. Hitanareo? "Raha ny Fanahy izay nanangana an'i Jesosy tamin'ny maty no mitoetra ao anatinareo, dia Izany koa no hamelombelona ny vatanareo mety maty." Izany dia ilay Fanahy iray ihany izay nanangana Azy, izay namelembelona an'ilay mpino marina ho amin'ny Fiainana Mandrakizay. Ny Fanahy izay nanangana an'i Jesosy tamin'ny maty no mitoetra ao anatin'ilay mpino, mamelembelona an'ilay mpino ho amin'ny Fiainana Mandrakizay.

⁵⁹ Fiainana anankiray ihany no misy, Fanahy Mandrakizay anankiray, Fiainana Mandrakizay anankiray, ary Andriamanitra izany. Andriamanitra, irey, no Mandrakizay. Ary noho izany isika, satria Zanany, dia Ampahany, izany hoe, ireo toetry ny Fisainany. Ary voaseho ilay fisainana ka lasa teny iray. Noho izany, ny isam-batan'olona tsirairay ato, izay manana an'io Fiainana Mandrakizay io, dia efa talohan'ny fanorenana an'izao tontolo izao, no tao amin'ny

fisainan'Andriamanitra. Izany ihany no fomba maha-mety an'izany, satria toetra iray ianareeo. Izany hoe ny fanehoana fisainana iray, dia lasa Teny iray; ary ny Teny iray dia nandray Fiainana, ary Mandrakizay izany. Izany no antony ananantsika Fiainana Mandrakizay. Ao amin'ilay fitsipika iray ihany izay ilay Zanak'Andriamanitra lehibe, ilay Mpanavotra; dia lasa zanakalahy sy zanakavavin'Andriamanitra isika, tamin'ny alàlan'io Fanahy iray io ihany, tamin'ny alàlan'ilay fahalalan'Andriamanitra mialoha iray ihany.

⁶⁰ Jereo ireo an-tapitrisany teto ambonin'ny tany izay tsy nandray an'Izany fony teto Jesosy. Fa toy ny ahoana no tokony hankasitrahantsika izao maraina izao, ny mahafantatra fa manana an'ilay porofo mivantana sy ireo porofo ara-Baiboly isika, hoe tafiditra ao anatin'io marainan'ny fitsanganana lehibe ho avy io isika, io Paska lehibe io. Manana ny antok'izany isika, izao ankehitriny izao ao anatin'ny vatantsika mety maty. Ireo voafidy mialoha no voalohany, mazava ho azy, ho velombelomina, rehefa tonga ny Fanahy Masina hitaky ny Azy manokana.

⁶¹ Ankehitriny, ity misy filazana lehibe iray, ary tiako ireo rahalahiko mpitoriteny hiezaka hahazo an'ity. Hitanareo? Tamin'ny voalohany, Andriamanitra, ilay Fanahy lehibe, dia tsy "Andriamanitra" akory aza Izy tamin'izany. Anankiray Mandrakizay Izy. *Andriamanitra* dia "zavatra iray ivavahana." Tsy nanana na inona na inona Izy hivavaka Aminy. Tsy nisy-tsy nisy Anjely, tsy nisy na inona na inona. Andriamanitra irery fotsiny, Izy irery, no Mandrakizay. Fa, mba ho Andriamanitra, dia tsy maintsy nisy zavatra hivavaka Aminy, noho izany dia namorona Anjely Izy, sy Vatana, ary Kerobima, sy ny sisa, mba hivavaka Aminy. Nanomboka niseho ny Drafiny lehibe.

⁶² Fa tsarovy, ianareeo, ao amin'ny—ny tsanganana izay misy anareo, izao maraina izao, raha tsy tao amin'ny Fisainany ianareo tamin'izany, dia tsy ao ianareo ankehitriny. Satria ianareo, misy ampahany iray ao aminareo, izay Mandrakizay, ary an'Andriamanitra irery ihany ny Mandrakizay. Ary efa tao amin'Andriamanitra ny Fisainany anareo hipetraka eo amin'izay misy anareo ankehitriny mihitsy. Tao amin'ny Fisainany, dia nitsangana eto amin'ny polipitra aho izao maraina izao, satria tsy manam-petra Izy ka mahafantatra ny zavatra rehetra. Noho izany dia afaka miteny ny farany hatrany amin'ny voalohany Izy, satria Mandrakizay Izy. Ary ianareeo, satria zanakalahin'Andriamanitra iray na zanakavavin'Andriamanitra iray, dia efa tao amin'ny Fisainany ianareeo tany amin'ny voalohany.

⁶³ Ary avy eo rehefa tonga ny Fanahy Masina, ary eto antany ianareeo, mandehandeha eto tahaka ny mpanota iray, tao amin'ny fiainanareo tao ambany tao dia nisy zavatra iray. Tsy fantatrareo izay miseho, fa noana ianareeo. Nandre

an'ilay rahalahy Presbyterana aho; nandre an'ilay—ilay Batista aho niresaka mikasika ny, iry aoriana iry, izy dia—dia Batista iray amin'ny Safidy malalaka, mitory any amin'izay ahafahany. Ry rahalahy sakaizako, hoe ianao, misy zavatra ao anatinao, zavatra izay tsy nataonao tao mihitsy. Izany dia zavatra iray izay tsy azonao niriana mba ho ao. Izany dia zavatra izay mifanohitra amin'ny natioranao manokana. Izany no fahalalan'Andriamanitra mialoha, izay miseho, ny Tenin'Andriamanitra.

⁶⁴ Satria teraka Jesosy ilay Zanak'Andriamanitra, mba ho Imanoela, fanehoana feno an'Andriamanitra ao amin'ny Lehilahy iray. Ary nahita Azy tao amin'ny fankatoavana tanteraka Izy, teo amin'ny Reniranon'i Jordana, nataon'io mpaminany io batisa. Ary vantany vao nankatò Azy Izy, ka nivoaka avy tao amin'ny rano, dia nisokatra tamin'i Jaona ireo Lanitra. Ary nahita ny Fanahy Masina nidina avy tany Andrianitra izy, nanao hoe, "Ity No Zanako malalako." Hitanareo? Fankatoavana tanteraka, nitady Azy ny Fanahy, tao amin'ny fankatoavana.

⁶⁵ Oh, ry lehilahy na vehivavy mania, izao maraina izao, rehefa mipetraka eto ianareo, ka misy zavatra iray ao anatinareo miteny aminareo fa Ity no marina, dia izany no Fanahy Masina izay mitady anareo, mba hitondra anareo eo amin'ny fahalalana ny Fahamarinan'ity ora izay iainantsika ankehitriny ity, tsy ora iray izay efa lasa, ilay ora ankehitriny.

⁶⁶ Nisy an'arivony tany izay nankatò ora efa lasa iray. Fa nisy ora iray an'ny fotoana ankehitriny, izany dia ilay ora izay tsy maintsy nisehoan'i Jesosy, ary nitsangana teo ny Teny. Nitsangana teo ny olona. Ary teo no nisy ny fanehoana an'Andriamanitra izay niseho, mba hanamarina fa izany no Fahamarinana.

⁶⁷ Ary amin'ny maha-vahoaka pentekotista, androany, dia mamelà ahy hilaza an'izao, hoe isika dia mitsangana ao amin'ity andro farany ity izay nampanantenain'Andriamanitra fa handatsaka Ny Fanahiny amin'ny nofo rehetra Izy, ary ireo Zananilahy sy zananivavy haminany. Satria hoy Izy hoe, "Izao famantarana izao no hanaraka an'ireo izay mino." Izao ilay ora. Izany no manao an'io famoronana ao anatinareo io.

⁶⁸ Araka ny noteneniko teto, vao tsy ela akory izay, ilay izy dia toy ny hoe manevateva kely; saingy manantena aho fa tsy izany ilay izy, ho anareo, izao maraina izao. Ilay mpiompy izay nametraka an'ilay voromahery, na nametraka akohovavy, ary nanana atodim-boromahery iray. Maro aminareo no mahatsiaro ny tantaran'ilay voromahery antitra niteraka an'io—an'io... Na, ilay akohovavy niteraka an'io akoho io, na—na—na atodim-boromahery iray tao ambanin'ny volon'akohony. Hitanareo? Izany ilay hafanana.

⁶⁹ Ny fiangonana Presbyterana, ny fiangonana Metodista, ny fiangonana Batista, ny tsirairay avy amin'izy ireo dia afaka mamokatra an'ireo voromahery ireo. Azo antoka. Ilay hafanana no manao an'izany. Araka ny nolazain'i Dr. Bosworth taloha hoe, "Afaka maka atodin'akohovavy iray ianareo ka mametrakasy eo ambonin'ny . . . eo ambanin'ny alikakely iray, ka matatotra azy eo, hafoy akohokely iray ny alikakely iray." Nahoana? Ilay hafanana izany. Ary rehefa ny fiangonana iray na vondrona iray no hanakambana ny tenany miaraka, ka mivavaka mandra-panaisotry'izy ireo ny fanekem-pinoany sy ny sisa, ary mijery mahitsy manatrika an'Andriamanitra, dia hamokatra voromahery izany azo antoka mihitsy tahaka ny itsanganako eto.

⁷⁰ Izany no heveriko fa nataon'ity vondron'ny lehilahy mpandrahara ha ity, miezaka ny handrava an'ilay hafanana. Lasa mitsitokotoko loatra isika. Ny anankiray mikambana amin'ity sy itsy. Ndao ravantsika ilay hafanana ka hahazo an'ilay hafanan'ny fanompoan'ny Lanitra iray. Alaivo ilay hafanana marina, dia ho teraka ireo voromahery, ary—ary hivoaka avy ao amin'ny fiangonana rehetra, na aiza na aiza.

⁷¹ Ary nandeha niaraka tamin'ilay akohovavy nandrity ny ela be ity voromahery kely ity, saingy ilay—ilay fikohokoho dia somary hafahafa. Tsy azony izay tian'ilay akohovavy nolazaina rehefa nangadingady tao amin'ilay—ilay—ilay fakon'antotanjezika izy tao—tao an-tokotany. Ary tsy izany no sakafy, ho azy. Ary nihinana bibikely izy, sy ny sisa, izay tsy hanin'ny voromahery iray. Noho izany dia toa hafahafa ilay izy, ny rehetra, ho azy. Ary ganagana ratsy tarehy iray izy; izy dia, tsy milaza an'izao ho fanevatevana, izy angamba dia Batista amin'ny Safidy malalaka iray, ary, fa zavatra iray tahaka an'izany, na Presbyterana iray.

⁷² Fa, fantatrareo, indray andro dia fantatry ny reniny fa nametraka atody iray izy. Tsy maintsy nisy zanaka iray tany ho any. Noho izany dia namelatra an'ireo elany goavana tamin'ny rivotra izy, ary nitady izy ka nitady, nihiaikiaka tamin'ny tampon'ny feony. Ary indray andro, dia nandalo teo ambonin'ilay tranom-biby izy. Ary rehefa nandre an'io hiakiaka mahazatra io ity voromahery kely ity, tsy mbola nandre an'izany mihitsy izy tany aloha, saingy fantany fa nety taminy izany tahaka ny fonon-tànanana iray eo amin'ny tànana. Ary fantany fa ny reniny io. Fantany fa ny zanany io. Nitady azy izy.

⁷³ Toy izany koa Andriamanitra, tao amin'ny taona tsirairay, nanendry Ny Fiangonany ho an'io taona io, Hafatra iray ho an'io taona io. Ary afaka nanana an'ireo lalàna sy ny zavatra rehetra izay tiany ananana izy ireo. Fa rehefa tonga io ora io, ny Fanahy Masin'Andriamanitra, izay nosainina tany amin'ny voalohany ary voateny ho an'io taona io, dia mitady an'izany atody izany io Fanahy io. Ary rehefa mandre an'io Hafatra io izy, dia tsy

misy fiangonana anaram-piangonana hahatazona azy. Hiakatra eny amin'ny avo izy. Tsy maintsy hiakatra izy. Vorona hafa iray izy. Zava-boahary hafa iray izy. Voromahery iray izy, ary handre an'ilay hiakiaka. "Ny Ondriko mandre Ny Feoko."

Araka ny nolazain'ny olona iray, Rahalahy Williams hoe, "Sakafon'ondry."

⁷⁴ "Ny Ondriko mandre Ny Feoko. Tsy hanaraka vahiny izy ireo." Tsy mampaninona na nahatoky toy ny ahoana aza ny fiangonana, ary na hatraiza ny hahagoavan'ny anarany. "Rehefa mandre Ny Feoko ny Ondriko," izany dia ny Teny, "dia tsy hanaraka vahiny izy ireo." Handeha mahitsy hankany amin'io Teny io izy ireo, ary afaka hanao an'izany. Izany dia tahaka ny—ny andriamby iray.

⁷⁵ Indray andro, tany Indiana, nitsidika an'ireo fandrendreham-by aho, ary nitsoka ny kiririoka. Dia nanala ny aron'akanjony ny olona rehetra, ary nanomboka namafa ny... avy teo amin'ny anjarany, nankeo afovoan'ny gorodona, ireo tapatapa-javatra izay nataon'izy ireo nandritry ny andro. Dia nitsangatsangana niaraka tamin'ilay lehilahy izay nitondra ahy nanerana aho, ka hoy izy hoe, "Diniho ity." Ary noho izany ny lehilahy rehetra dia nametraka ny—ny akanjony fitondra miasa teo ambonin'ny—teo ambonin'ny latabatra, dia lasa.

⁷⁶ Teny amin'ny farany aoriana, dia nikasika bokotra kely iray izy. Dia indro tonga ny andriamby goavana iray nandalo, ary naka ny kely tsirairay tamin'io vy izay notapatapahina avy tamin'ireo piesy ireo izany, ankehitriny, dia nivoaka. Nanala ny andriamby izy; nilatsaka tao anatin'ny tafon-trano mivohitra iray izany. Dia natsonika indray, ho an'ny piesy hafa iray an'ny— an'ny entana, ilay zavatra iray ihany, andrin-kodia na inona na inona namboarin'izy ireo.

⁷⁷ Dia nitsangana teo aho ka njery an'izany, hany aho—nahavery ny tenako fotsiny aho. Dia hoy aho hoe, "Manontany zavatra iray aho."

Hoy izy hoe, "Inona ilay izy, tompoko?"

Dia hoy aho hoe, "Voamariko fa tsy niakatra ny sasany tamin'io."

⁷⁸ Hoy izy hoe, "Alimo izany, ary tsy natao handray alimo ny andriamby."

⁷⁹ Hoy aho hoe, "Hitako." Dia hoy izy hoe... Avy eo dia hoy aho hoe, "Eny, voamarikao, io misy poti-by iray miraikitra."

"Saingy, hitanao, tompoko, voaisy bilao izy."

⁸⁰ Hoy aho hoe, "Hitako." Ary rehefa nesoriny izany, dia hoy aho hoe, "Ankehitriny inona no mitranga, amin'io etsy io?"

⁸¹ Hoy izy, "Mandeha avy hatrany mankao amin'ilay fandrendrehana izy, miraraka ao amin'ilay tafon-trano

mivohitra, ary miverina avy hatrany ka manao kodia hafa iray.”

Hoy aho hoe, “Deraina ny Tompo!” Izay ilay izy. Hitanareo?

⁸² Misy andriamby lehibe iray mipetraka eny an-danitra, izay hokasihan’Andriamanitra amin’ny Rantsan-tànanay indray andro any. Tsy misy olona mahafantatra ny fotoana hoe rahoviana Izy no ho Tonga, na dia ireo Anjelin’ny Lanitra aza, tsy mahafantatra. Andriamanitra irery no mahafantatra. Fa nisy tapatapany vitsivitsy izay avy niendaka avy tamin’ny Baiboly, ireo Kristiana ara-Baiboly, mpino ho an’ity ora ity. Mety efa andrin-kodia iray ny anankiray tamin’izy ireo tamin’ny andro hafa iray. *Ity* mety ho ampahany hafa iray. Mandeha manao an’ilay fomba fitondran’Andriamanitra goavana izany. Fa hatsonika ao anatin’ny vilanin’ny tafon-trano mivohitra lehibe an’Andriamanitra izany, ka araraka indray ho araka ny endrik’Andriamanitra. Ary ireo izay misy andriamby ihany no hakarina. Oh, ahoana no... Tombontsoa iray toy ny inona izany, ny mahafantatra fa misy zavatra iray ao amin’ny fitsanganana izay mikasika antsika!

⁸³ Ankehitriny, mariho, mahafantatra an’ilay antson’ny Tenin’Andriamanitra, hoe ampahany iray izy. Ary izany dia voromahery iray mankany amin’ny voromahery iray. Ankehitriny, raha io reny io no nihiaikiaka tahaka ny—ny papangobe, dia tsy ho nahafantatra an’izany mihitsy izy. Tsara ho azy ny nijanona tao anatin’ilay tranom-biby. Fa hiakiakamboromahery iray ilay izy. Nisy zavatra tao anatin’io vorona kely io, ka fantany fa voromahery iray izy.

⁸⁴ Ary mitovy amin’izany ny mpino marina tsirairay. Rehefa mivoaka ny fitoriana ny Tenin’Andriamanitra, ka voamarina sy voapororo fa izany no Tenin’Andriamanitra ho an’ity ora ity, amin’izay fotoana izay dia misy Zavatra ao anatin’ilay mpino. Tsy ahoako na nahatoky toy ny ahoana aza ny rainy tamin’ny fiangonana iray, na nahatoky toy ny ahoana ny reniny, na ireo raibeny, ary raha mampianatra mifanohitra amin’ity oran’ny Hafatry ny batisan’ny Fanahy Masina ity izany fiangonana izany. Misy zavatra ao anatinay ao izay mihiakiaka. Handao an’ilay tranom-biby izy. Tsy maintsy hanao an’izany izy. Mety efa nety tsara ireo akohokely indray andro, saingy izao no oran’ny voromahery. Hitanareo? Izany—hafa izany. Misy zavatra iray, hoe, tsy maintsy mandao an’ilay tranon’akoho tranainy izy ary manidina mankao amin’ilay mangamanga. Noho izany ity vatan’ny tany ity dia novelombelolina ary nentina, tamin’ny alàlan’ny Fanahy mamelembelona, nankao amin’ny fankatoavana ny Tenin’Andriamanitra.

⁸⁵ Ankehitriny, io Fanahy Masina io, naseho ho toy ny voromahery manidina eo ambonin’ny firenena, ka mahita an’ilay mpino. “Tsy misy olona afaka manatona Ahy, tsy

misy olona afaka manatona Ahy araka ny tiany anatonana. Izay rehetra nomen'ny Ray Ahy no hanatona Ahy, fa tsy misy olona afaka manatona amin'ny alàlan'ny tenany.” Tsy ny fisainanareo manokana izany, ny fitarihanareo manokana. Izany dia Andriamanitra, mitarika. Hitanareo? “Izay rehetra nomen'ny Ray Ahy no hanatona Ahy.”

⁸⁶ Ankehitriny, eto an-tany ny Fanahy Masina, mitady an'ireo isam-batan'olona izay voalahatr'Andriamanitra ho amin'ny Fiainana ao amin'ity taona ity. Ary vantany vao Hitany izany, dia manao tahaka ny Nataony tamin'i Jesosy Kristy Izy, ilay Zanak'Andriamanitra lehibe indrindra Izay nanavotra antsika rehetra. Midina Izy ka maka ny Toeram-ponenany ao anatin'ny fiainan'olombelona, ankehitriny, mariho, nitondra an'ilay hery mamelembelona. Ankehitriny, io hery mamelembelona izay tonga teo amin'i Jesosy io no namelembelona Azy mba haneho ny teny fikasana tsirairay an'ny Teny an'io andro io. Toy izany koa no ataon'ny Fanahy Masina izay tonga eo amintsika amin'izao andro izao, raha tsy fanahy masina sandoka iray ilay izy, raha tsy ny devoly maneso ny Fanahy Masina ilay izy, fa ilay tena, Fanahy Masina marina. Haneho ny teny fikasan'izao ora izao Izany.

⁸⁷ Rehefa nilatsaka teo amin'i Luther Izy, dia Nasehony io teny fikasan'io ora io. Rehefa nilatsaka teo amin'i Wesley Izy, dia Nasehony ny teny fikasan'io ora io. Rehefa milatsaka Izy amin'izao andro izao, dia ASEHONY ny teny fikasan'izao ora izao. Rehefa nilatsaka teo amin'i Mosesy Izy, dia Nasehony ny teny fikasan'io ora io. Nilatsaka teo amin'ny Noa, dia Nasehony ny teny fikasan'io ora io. Rehefa nilatsaka teo amin'i Jesosy Izy, dia Nasehony ny teny fikasan'io ora io. Hitanareo?

⁸⁸ Izany no Fanahy Masina midina, mba hamelombelona, manao an'ireo olona izay voalahatr'Andriamanitra mialoha ho ao amin'ny Fampakarana ireo ho velona. Mariho. Izany hoe, raha voromahery marina iray izy, ho azony ny Hafatry ny ora raha voromahery marina iray izy. Ankehitriny, ilay voromahery kely angamba, tao anatin'ilay tranom-biby, dia nihinana tsara mihitsy, saingy izy—fantany fa tsy tsara marina tokoa ilay izy. Fa avy eo rehefa nandre ny Fahamarinana izy, tamin'izay fotoana izay dia noraisiny io Fahamarinana io. Ankehitriny, ao amin'ny Jaona 14...

⁸⁹ Jaona 5:24, raha ny marina, nilaza Jesosy, niteny tahaka an'izao, “Izay mandre Ny Teniko, ka mino Izay naniraka Ahy, no manana Fiainana mandrakizay, ka tsy ho tonga amin'ny fitsarana, fa efa tafafindra avy tamin'ny fahafatesana ho amin'ny Fiainana.” Eritrereto fotsiny hoe tsotra toy ny ahoana izany, “Izay mino.” Ankehitriny, ny fomba marina hilazana an'izany dia, “Izay mahazo.”

⁹⁰ Ankehitriny, mandeha mivoaka eo an-dàlambe eto ianareo ka milaza amin'io mpivarotena io hoe, “Mino ve ianao?”

“Azo antoka.”

“Mino ve ianao fa Izy no Zanak’Andriamanitra?”

“Izany tokoa.”

“Efa vita batisa?”

“Azo antoka.”

⁹¹ Mandehana mankeo amin’ilay mamolava, manaova hoe, “Nandre an’Izany ve ianao? Nandre an’ilay mpitory teny nitory ve ianao?”

“Hia.”

“Mino an’Izany ve ianao?”

“Azo antoka.” Hitanareo?

⁹² Fa, “Izay mahazo, izay mahafantatra ny toerany ao amin’izao ora izao, izay mandre Ny Teniko ka mino Izay naniraka Ahy, no manana” (fotoana ankehitriny) “Fiainana Mandrakizay. Tsy ho tonga amin’ny Fitsarana, fa efa tafafindra avy tamin’ny fahafatesana ho amin’ny Fiainana.” Noho izany rehefa mitoetra ao anatinareo io Fiainana Mandrakizay vaovao io, Izany ilay ampahany, na ilay antoka hoe efa novelombelomina avy tamin’ny mety maty ho amin’ny tsi-fahafatesana ianareo.

⁹³ Mamelà ahy hilaza an’izany indray. Rehefa nahita anareo Io Fanahy io, ilay isam-batan’olona, ka tonga teo aminareo, dia Izany no ampahan’ny lovanareo Mandrakizay izay noeritreretin’Andriamanitra ho anareo sy nataony ho anareo talohan’ny fanorenana an’izao tontolo izao. Izany no ampahany anareo.

⁹⁴ Toy ny hoe nangataka hazo ôka iray tamiko ianareo, ka nomeko voan’ôka iray. Ankehitriny, ilay—ilay—ilay aina ho an’ny hazo ôka dia ao anatin’ilay voan’ôka ankehitriny, saingy tsy maintsy miandry mandra-paniriny ianareo.

⁹⁵ Tahaka an’izany koa isika. Rehefa mandray ny Fanahy Masin’Andriamanitra isika, dia Izany no ampahan’Andriamanitra izay miandry eo amboninareo, izay efa nanaiky anareo. Ary voaisin’ny Fanahin’ny teny fikasana tombokase ianareo, an’Andriamanitra, ao amin’ny Vatan’i Kristy. Rehefa njery teo Kalvary Andriamanitra ka nahita an’i Jesosy teo am-pahafatesana, Izy tsy hoe fotsiny... Maty ho an’Ny Ampakariny Izy, ilay Vatana, dia ilay Fianganana Teny, ilay Fianganana izay mino ny Tenin’Andriamanitra ho an’ilay taona, na tongotra izy, vatana, loha, na inona izy na inona. Hitanareo? Izany dia... Nivoa-drà Kristy ary teo am-pahafatesana. Ary Andriamanitra, njery teo Aminy, dia nahita ny Fitsanganany, ary nitsangana niaraka Taminy ilay Fianganana tamin’ny Paska.

⁹⁶ Ankehitriny, tiako ho azonareo ity rehetra miaraka ity, satria manana zavatra iray aho eto bitika kely, izay tiako lazaina, raha sitrakny Tompo.

⁹⁷ Mariho ankehitriny. Izany no antoka, na ny ampahany. Ny hery mamelembelon'ny fitsangananareo, rehefa mandray ny Fanahy Masina ianareo, dia mitoetra ao anatinareo amin'izay fotoana izay, ilay ampahan'izany.

⁹⁸ Mariho, ianareo—eo amin'ny lalanareo ianareo ankehitriny, mitombo mankany amin'ny fitsangananareo feno. Tsy misy hazo avy dia mipoitra ny ampitso alina mihitsy. Tsy maintsy mitombo izy, tahaka ny itomboantsika ao amin'ny fahasoavana sy ny fahalalana an'Andriamanitra. Natao batisa tao amin'ny Fanahy Masina ianareo. Ankehitriny, tahaka an'ilay Fiagonana pentekotista, natao batisa tao amin'ny Fanahy Masina, manomboka mitombo Izy. Maty ireo rantsana. Notapahany izy ireo. Fa mbola mitombo foana ilay Hazo, mbola manohy foana, satria tsy maintsy tonga hatrany amin'ny fitsanganana Izy.

⁹⁹ Notarihin'ny Fanahy izy ireo, mba hamelombelona ny Teny aminareo izay mpino. Manohy mamelembelona ny Teny, arakaraky ny androsoanareo eo amin'ilay rantsana voalohany, rantsana faharoa, rantsana fahatelo, mitohy miakatra. Manohy mamelembelona fotsiny Izy. Manohy mamelembelona anareo ny Fanahin'Andriamanitra.

¹⁰⁰ Mariho fa, tamin'ny Pentekosta, ny vatan'izy ireo dia novelombelomin'ilay Aina vaovao izay noraisin'izy ireo. Manao ahy hahatsapa ho mpivavaka izany. Eritrereto. Ankehitriny, nisy an'ireo lehilahy teo, mpanjono, mpamory hetra, ireo vehivavy kely nanentry tena an'ny... ary mpikarakara tokantrano tsotra, zazavavy kely virijiny. Mpino izy ireo. Nino izy ireo fa izany no Fahamarinana. Nino an'izany izy ireo, rehefa maty Jesosy (Nino Azy izy ireo.) ary nitsangana indray, tamin'ny maty, nino an'izany ho fanambaran'Andriamanitra tanteraka tokoa izy ireo, hoe namelembelona Azy ho amin'ny fiainana Izy.

¹⁰¹ Ankehitriny, niakatra izy ireo, tamin'ny Andron'ny Pentekosta, mba handray ny didim-pananany tsy azo lavina. Fantatradeo ve hoe inona ny didim-pananana tsy azo lavina iray? Izany dia rehefa voamarina ny fananana iray. Niakatra tany izy ireo mba handray ny didim-pananany tsy azo lavina. Ary lasa novelombelomina izy ireo, na fifaliana iray toy ny inona! Nividy an'ilay tany izy ireo; efa novidiana ho azy ireo. Noraisin'izy ireo izany.

¹⁰² Marina ve izany sa tsia? “Nahita Azy nitsangana isika, saingy ahoana ny amintsika ankehitriny? Vavolombelona isika. Nitsangana isika ka nahita an'ilay Lehilahy nohomboana. Nahita an'ireo rahona nanarona ny tany sy nanamaizina ny lanitra isika. Ary ny—nihovitrovitra ny tany ary nihozongozona; nanana fianjerana nikorontana izy. Avy eo rehefa...

Napetrak'izy ireo tao am-pasana Izy. Nolefonin'izy ireo tao amin'ny fo Izy, tamin'ny lefona, ary nampidinin'izy ireo ny Vatany ka napetrany ao anatin'ny fasan'i Josefa avy any Armatia."

¹⁰³ Ary avy eo dia hitan'izy ireo, fa, tamin'ny andro fahatelo, dia nitsangana indray Izy. Ary araka ny nolazain'ilay mpianatra hoe, "Izahay no vavolombelon'izany. Nahita Azy nitsangana izahay Fantatray fa velona Izy."

¹⁰⁴ Ankehitriny dia inona no nataon'izany? Nanaisotra ny tahotra rehetra izany. Tsy mahagaga raha hoy Jesosy hoe, "Aza matahotra. Izaho no Ilay maty, nefo velona mandrakizay." Hitanareeo? Nanaisotra ny tahotra rehetra izany, rehefa nanao an'izany izy ireo.

¹⁰⁵ Ankehitriny, fa rehefa niakatra nankany amin'ny Pentekosta izy ireo, dia tany no nandraisin'izy ireo an'ilay hery mamelembelona, ilay hery izay nanao azy ireo ho velona.

¹⁰⁶ Ankehitriny dia eo no heveriko fa, ianareo rahalahy Presbyterana sy Metodista, tena nandray tamin'ny ampahany ianareo tamin'ny finoana an'i Jesosy Kristy Tompo, saingy mbola tsy tonga ilay didim-pananana tsy azo lavina. Izany no fanamarinana an'ilay fananana.

¹⁰⁷ Nanome teny fikasana iray ho an'i Abrahama Andriamanitra. Nino an'Andriamanitra i Abrahama, ary nisaina ho fahamarinany izany. Saingy nanisy tombokase an'ilay fanekena tamin'ny alàlan'ny tombokasen'ny famoràna Izy.

¹⁰⁸ Ary manome teny fikasana iray ho anareo Andriamanitra, amin'ny ampahany, hoe ho azonareo izany, ary hatsangana ianareo, homem-boninahitra miaraka Aminy ity vatana ity amin'ny andro farany. Saingy, hitanareeo, tsy maintsy manana fanamarinana iray ianareo eo amin'io fananana io. Ary ny fanamarinana dia rehefa nesorina ny zavatra rehetra izay nanohitra azy, ka manana an'ilay didim-pananana tsy azo lavina an'izany ianareo. Manana an'ilay tombokase ianareo. Anareo izany. Ny zavatra rehetra izay eo amin'izany dia anareo. Amená.

¹⁰⁹ Ary rehefa mino an'i Jesosy Kristy ho Mpamonyj antsika isika, ka mibebaka sy atao batisa, ary tonga mba hino Azy; dia manaiky ny fibebahantsika sy ny finoantsika Azy Andriamanitra, ary mampidina an'ilay didim-pananana tsy azo lavina. Ary ilay didim-pananana tsy azo lavina no fiantohana. Izany no antoka fa, ny zavatra rehetra izay hany nohazonina hanohitra anareo, dia nibebahanareo marina tokoa. Haleloia! Ary voavidy ilay fananana, ka ianareo no mihazona an'ilay didim-pananana tsy azo lavina ho fiantohana.

¹¹⁰ Avelao ny olona iray hanandrana hanala anareo amin'ilay tany, milaza fa azy, nefo ianareo miaraka amin'ilay didim-pananana tsy azo lavina eny an-tànanareo. Avelao izy hanandrana hanao an'izany. Tsy misy lalàna iray ao amin'ny

firenena afaka hanao an'izany, satria ianareo no mihazona an'ilay didim-pananana tsy azo lavina.

¹¹¹ Ary tsy misy devoly, tsy misy fiangonana, na teolojia iray, izay afaka hiampita eo amin'ireo faritry ny porofo sy ny didim-pananana tsy azo lavina an'Andriamanitra, hoe ny batisan'ny Fanahy Masina no nanaiky antsika tao amin'i Jesosy Kristy. Manana antoka mihitsy ny hitsangana tahaka Azy nitsangana isika, satria dia efa nitsangana niaraka Taminy amin'ny ampahany isika. Amena.

¹¹² Ireo zavatra fahiny. Inona no ataon'izany amin'ireo vatanareo mety maty? Mamadika ny hevitsika izany, manova ny fiheverantsika. Mamestraka ny fitiavantsika eo amin'ireo zavatra izay any Ambony izany. Ary ny fifohana, fisotroana, filokana, ireo zavatra izay nataonareo taloha, dia maty. Eo ambaninareo izany.

¹¹³ Ary novelombelolina ianareo. Ary io hery mamelembelona io no mitondra ny vatanareo mankao amin'ny toeran'ny nampakarina iray, sahady. Mariho ireo vahoaka pentekotista tany, rehefa novelombelomin'ny Fanahy Masina izy ireo. Henoy aho. Rehefa ireo vondrona pentekotista tany ireo, tamin'ny Andron'ny Pentekosta, no nandray ny didim-pananan'izy ireo tsy azo lavina avy tamin'Andriamanitra, azo antoka, dia nanome voninahitra ny fanahin'izy ireo izany. Nihiakiaka izy ireo. Nahita lelan'Afo izy ireo nisaratsaraka teo ambonin'ny tsirairay avy tamin'izy ireo. Ary tena namelombelona ny vatan'izy ireo izany, ka tsy afaka niteny tamin'ny fitenin'ny tany intsony akory aza izy ireo. Namelombelona ny vatan'izy ireo izany nankany amin'ny fitenin-Danitra iray, ilay Toerana izay handehanan'izy ireo. Ny herin'Andriamanitra mamelembelona no nanozongozona ny vatan'izy ireo mety maty tahaka an'izany, hany ka niova tarehy ny fitenin'izy ireo mety maty manontolo, novaina nankao amin'ny fiteny tsy mety maty iray. Hery mamelembelona iray toy ny inona! Inona? Zavatra izay ananana.

¹¹⁴ "Raha ny Fanahy izay nanangana an'i Jesosy tamin'ny maty, no mitoetra ao amin'ny vatanareo mety maty, dia Izany ihany koa no hamelombelona ny vatanareo mety maty." Velombelomin'ny herin'Andriamanitra velona isika arak'izany.

¹¹⁵ Lela, novelombelolina ho amin'ny fitenin-Danitra iray vaovao, mba hiresahana amin'izy ireo; fampakarana iray, miakatra mankao amin'ny rivotra iray hafa noho izay hany niainan'izy ireo. Izao koa, niaraka tamin'ilay Aina vaovao mamelembelona azy ireo, izay tonga teo amin'izy ireo, dia namelombelona ny fitenin'izy ireo Izany. Niteny tamin'ny fiteny vaovao izy ireo. Oh, eny!

¹¹⁶ Diniho izy ireo ankehitriny. Izany koa dia natao mba hanomezana azy ireo, taorian'io didim-pananana tsy azo lavina

io, izany dia natao mba hanomezana azy ireo ny teny fikasana tsirairay izay teo amin'ireo tany. Ny teny fikasana tsirairay teo amin'ireo tanin'ny Tenin'Andriamanitra, izay nampanantenaina ao amin'ny Baiboly, io hery mamelembelona io dia nomena azy ireo, mba hamelombelona an'io teny fikasana io ho azy ireo. Noho izany, dia nametra-tànnana teo amin'ny marary izy ireo, dia sitrana izy ireo. Niteny tamin'ny fiteny vaovao izy ireo. Nanao famantarana sy fahagagana lehibe izy ireo, satria izany no tao amin'ny teny fikasan'Andriamanitra. Ary rehefa maty Jesosy, mba hanavotra an'izany hiverina amin'izy ireo, ireo tany izay an'ireo zanak'Andriamanitra, dia Nasehony hoe iza Andriamanitra.

¹¹⁷ Ahoana no hasahantsika hanao an'izany ho sosialy ka hametraka an'izany ao anatin'ny rafi-pandaminana iray? Tsy manana zò hanao an'izany isika.

¹¹⁸ Ny Fanahy Masina, amin'izao andro izao, no mitady an'ireo fo mahitsy izay hino an'ity Hafatra ity. Ny zavatra rehetra ao amin'ny Baiboly, izay nampanantenaina, dia ho an'io mpino io. Ary rehefa manaiky an'izany ao amin'ny fahafenoany ianareo, ka fantatr'Andriamanitra fa hanao an'izany ianareo, dia Omeny anareo ilay didim-pananana tsy azo lavina an'izany. Ary avy eo ny teny fikasana tsirairay izay natao dia ao amin'ny fanananareo, ary eo ny Fanahy Masina mba hamelombelona an'izany ho anareo. Oh, oadray! Inona—tokony ho karazan'olona inona isika? Mahafinaritra toy ny ahoana ny mahita ny Fanahy Masin'Andriamanitra lehibe eto mba hanao an'io hery io! Eritrereto izany. Nefa, ny Fanahy Masina Izy tenany, dia eto mba hanambara an'ity ora ity. Jesosy no niteny an'izany. Izy no tsy miovra omaly, anio, ary mandrakizay.

Ahoana noahasahian'ny olona iray hanala an'izany avy Ao?

¹¹⁹ “Ireo asa izay Ataoko no hataonareo koa,” Jaona 14:12. “Izao famantarana izao no hanaraka an'ireo izay mino.” Izany ilay fiantohana. Rehefa mahita vondron’olona iray miara-mipetraka isika, ary maneho ny tenany ireo famantarana ireo, dia izany ilay fiantohana hoe eo ilay didim-pananana tsy azo lavina hanamarina fa fananan'Andriamanitra izany. Amena.

¹²⁰ Noho izany, isika dia Paska, ihany koa. Amena. Ao amin'ny Paskantsika isika ankehitriny. Efa nitsangana isika, haleloia, avy tamin'ireo zavatr'izao tontolo izao, mankany amin'ireo zavatry ny teny fikasan'Andriamanitra. Tsy hoe ho izany isika; izany isika. Izany ireo ampahany.

¹²¹ Izany no teny fikasan'Andriamanitra. Handatsaka Ny Fanahiny Izy amin'ny andro farany, ary izany no hataon'izy ireo. Mariho, nametraka ny tanganay teo amin'ny marary; ny zavatra rehetra izay tao amin'ny teny fikasan'Andriamanitra. “Handatsaka Ny Fanahiko Aho amin'ny andro farany, eo

amin'ny nofo rehetra. Ny lahiantitrareo hanonofy nofy. Ny zatovolahinareo hahita fahitana." Ary ireo teny fikasana samihafa rehetra izay Nataony ireo, ny zavatra rehetra dia mipetraka ao amin'ny teny fikasan'Andriamanitra mihitsy. Jesosy no nanavotra an'izany ho antsika. Ary rehefa isika no lasa...

¹²² Na, isika, raha notendrena ho eo amin'io tany io isika, raha notendrena ho eo amin'io tany io isika; tahaka an'ilay voromahery nandeha tao amin'ny akanin'akoho. Raha notendrena ho eo amin'io tany io ianareo, dia eto ny Fanahy Masina hahita anareo. Ary rehefa Hitany ianareo, dia mahafantatra ny Antsony. Fantatrareo ny ora izay iainanareo. Fantatrareo fa ireo zavatra ireo dia natao hitranga. Hakarina haingana hihaona amin'Izany ianareo, ary ankehitriny ianareo dia mipetraka ao amin'ireo toeran-Danitra ao amin'i Kristy Jesosy. Oh, teny fikasana iray toy ny inona! Ray any An-danitra iray toy ny inona, Izay nanome antsika an'ireo zavatra ireo!

¹²³ Ny Fanahy no mamelobelona ny fiombonan'izy ireo amin'Andriamanitra, mba iantsoan'izy ireo ny maty hiverina amin'ny fiaianana, tamin'izany andro izany. Nametraka ny vatany teo ambonin'ilay maty izy ireo; dia niverina tamin'ny fiaianana izy ireo. Henoy tsara. Nanao an'ireo zavatra iray ihany izay nataon'i Jesosy izy ireo satria ilay Fanahy iray ihany, izay teo Aminy, no teo amin'izy ireo. Raha Fanahy anankiray no manao lehilahy iray hihetsika tahaka an'izany, dia manao an'ilay anankiray hafa hihetsika tahaka an'izany izy. Raha anankiray...

¹²⁴ Ahoana no ahafahan'Ity ho tonga, milaza fa manana ny Fanahin'Andriamanitra izy, nefà mandà an'ireo asan'Andriamanitra? Tsy afaka manao an'izany izy.

¹²⁵ Mariho. Ain'Andriamanitra, izay antsoina amin'ny teny Grika hoe Zoe, nihetsika tamin'ny alàlan'izy ireo ary tao anatin'izy ireo, namelobelona ny fisainan'izy ireo ho an'Ny Teniny. Ankehitriny, mamele à hihetsika amin'ny teny fikasana'Andriamanitra izay mihetsika eo anivon'ny olona, no mamelobelona ny sain'ilay olona ho amin'ny teny fikasan'Andriamanitra. Hitareo? Izany no manao an'ilay izy. Jereo. Ary miezaka aho ny maneho aminareo ny—ny... ary aoka ianareo hahafantatra fa miresaka ny amin'ilay Fiagonana aho ankehitriny, ary novelobelomina ihany koa ho amin'ny Fiaianana, ao Aminy.

¹²⁶ Na dia, Toetrany fotsiny aza izy ireo, eo am-panombohana. Fa raha hoy Andriamanitra hoe, "Amin'izao andro izao," tany amin'ny voalohany, "dia ho Mpanompoko i John Doe," antapitrisy taona lasa. Ankehitriny, dia teraka tao amin'ny fahotana i John Doe, notorotoronina tamin'ny heloka, tonga teto an-tany niteny lainga, satria mety maty iray izy. Fa,

angamba, manana fihetseham-po ara-pivavahana kely iray izy. Hikambana amin'ny fiangonana iray izy. Angamba hikambana amin'ny fiangonana Pentekotista izy. Tsy fantatro. Mety mikambana amin'ny zavatra iray izy. Fa avelao izy handeha ao ambanin'ny hafanan'Andriamanitra, indray mandeha. Hitanareo? Tsy maintsy hahafantatra i John Doe hoe Iza no Rainy, tahaka ny nahafantaran'io voromahery io mihitsy hoe iza no reniny. Tsy maintsy fantany izany. Hitanareo? Izao fotsiny, hoe John Doe dia toetran'Andriamanitra izay lasa teny iray, voateny, ary avy eo dia mitady an'io teny io ny Fanahy Masina. Izay ilay izy. Miantso azy Izy, manome azy Fiainana mandrakizay, ary mampiditra azy ao amin'ny Fanatrehan'Andriamanitra, ny Tenin'Andriamanitra.

¹²⁷ Jereo. Nitovy tamin'izany no nataon'Andriamanitra rehefa nahita an'i Jesosy Izy. Izany no—izany no asa vita izay novitain'Andriamanitra tao amin'i Jesosy, rehefa nilaza Izy hoe, "Vita." Vita ny drafitra rehetra.

¹²⁸ Ary rehefa tonga eo aminareo ny Fanahin'Andriamanitra, ka iray amin'ireo toetran'Andriamanitra marina tokoa izay Noteneniny ianareo. Ankehitriny, raha tsy izany ianareo, dia hanontany ianareo ary hikorontana, ka hihazakazaka *eto sy etsy*, ary ny zavatra hafa rehetra, ka tsy ho tonga mihitsy eo amin'ny fahalalana ny Fahamarinana. [Elanelana tsy voarakipeo—Mpand.] Raha isan'izy ireo ianareo, dia levona haingana mihitsy ireo zavatra fahiny, hitanareo, ka lasa vaovao ianareo, ary vita ilay drafi-pamonjena. Vonona ny hankatò ny Teny rehetra izay notenenin'Andriamanitra mikasika anareo ianareo, hitanareo, ny amin'izay hataonareo. Manaiky Ny Teniny ianareo. Ny fifanarahana, marina tokoa, ny fifanarahana amin'ilay didim-pananana tsy azo lavina, ilay titram-pananana dia anareo. Voaloa ny trosa rehetra. Voafafa izy rehetra, ka tahaka azy tamin'ny Andron'ny Pentekosta.

¹²⁹ Ankehitriny dia ndao isika hanamarika an'ilay famelombelomana, io Fanahy mamelembelona io eo amin'ny olona hafa.

¹³⁰ Ankehitriny, niteny taminareo aho fa tsy hiresaka tena lava, ary manana roapolo minitra fotsiny aho hihazonako ny teniko, raha manao an'izany aho, mariho, hihazonana ny fotoana izay nolazaiko, mikasika—mikasika ny adiny iray.

Mariho ankehitriny io hery mamelembelona io. Izany dia tonga fotsiny ihany . . .

¹³¹ Ankehitriny, betsaka ny fanesoana an'Izany. Betsaka ny olona izay mihevitra marina tokoa fa manana Azy izy ireo, nefy tsy manana. Betsaka ny olona manao an'izany satria manana fahatsapana diso izy ireo ny amin'izay hitan'izy ireo ataon'ireo Kristiana hafa. Afaka maka tahaka an'izany i Satana. Fantatsika izany. Ary amin'ny maha-misionera, dia

afaka mahita an'izany nalain-tahaka ianareo: mihiakiaka, mandihy, miteny amin'ny fiteny tsy fantatra, ireo zavatra rehetra ireo. Mahita an'izany nalain-tahaka ianareo na aiza na aiza. Tanteraka tokoa. Eo anivon'ireo mpanompo sampy sy ireo olona mandà fa misy ny zavatra toy ny hoe Jesosy Kristy no Zanak'Andriamanitra. Hitanareo? Ary manao an'ireo zavatra rehetra ireo izy ireo, ny tenany.

¹³² Fa ilay tena Fanahy, marina mamelembelona izay tonga eo amin'ny mpino, dia mamelembelona azy amin'ny Tenin'Andriamanitra, izay mamerina mankany amin'ny Sakafom-boromahery indray, mankany amin'izay ivelomany mihitsy. “Tsy ny mofo ihany no iveloman'ny olona, fa ny Teny rehetra izay aloaky ny vavan'Andriamanitra.”

¹³³ Ndao isika hanamarika an'io Fanahy mamelembelona io ankehitriny rehefa tonga eo amin'ny olona hafa Izy, tahaka ny Nataony tamin'ny—tamin'ny Andron'ny Pentekosta.

¹³⁴ Ndao isika hanamarika ny Pentekosta, ahoana no nihetsehan'izy ireo, ka hahita raha novelombelomin'io hery mamelembelona izay resahantsika io izy ireo. Tamin'ny Andron'ny Pentekosta, dia niandry tao ambony tao izy rehetra. Tao anatin'ny tenan'izy ireo, dia natahotra izy ireo. Ireo Jiosy, izay hataon'izy ireo mihitsy, noho izany dia natahotra izy ireo. Fa inona no nitranga? Rehefa nilatsaka avy tany An-danitra io hery mamelembelona io, dia nisy fahasahiana nipetraka teo amin'izy ireo. Nisy zavatra iray, fahazoana iray, nefo tsy nahazo antoka loatra ny amin'izany izy ireo ora vitsy tany aloha. Fantatr'izy ireo fa Izy dia—maty Izy.

¹³⁵ Fantatr'izy ireo fa nitsangana Izy. Niresaka Taminy izy ireo teny an-dàlana. “Saingy ho azy ireo ve io zavatra io, na ho azy ireo fotsiny ve izany, ho an'i Jesosy Izy tenany?”

¹³⁶ Fa indro tamin'ny Andron'ny Pentekosta, ny Fanahy Masina, ilay didim-pananana tsy azo lavina dia nidina teo amin'ireo mpino. Izany no nanao azy ireo ho ampanan'ny Fitsanganany, nanao azy ho ampanan'ny Fiombonany. Tonga ny Fanahy Masina ka nanamarina tamin'izy ireo fa hitsangana izy ireo, satria efa nitsangana tamin'ny ampahany izy ireo tamin'izany, avy tamin'ny kanosa ho lehilahy sahy.

¹³⁷ Izy ireo dia—natahotra an'ilay tena Teny izay noeritreretiny mihitsy izy ireo. Aza mamela an'ity handalo eo amboninareo. Natahotra izy ireo. Fantatr'izy ireo fa Izy io Teny io.

¹³⁸ Na dia ireo Jiosy aza dia tsy maintsy nanaiky an'izany. Hoy i Nikodemosy hoe, “Raby, fantatray fa mpampianatra iray izay avy tamin'Andriamanitra Ianao. Tsy misy olona afaka manao an'ireo zavatra izay ataonao raha tsy Andriamanitra no momba Azy. Ankehitriny, fantatray izany. Manaiky an'izany izahay.”

¹³⁹ Noho izany ireo mpianatra...Nianiana tao amin'Ny Fanatrehany mihitsy aza i Petera. Izy rehetra ireo dia nandao Azy teo amin'ny fanohomboana.

¹⁴⁰ Fa indro izy ireo ankehitriny ao amin'ny efitra ambony, ao amin'ny Fanatrehan'Andriamanitra. Avy eo, tampoka teo, indro tonga io Fanahy Masina io nidina avy tany An-danitra, ary Izany no namelombelona azy ireo. Ary rehefa niseho ilay famelombelomania, dia tsy natahotra izy ireo ny ho vavolombelona iray an'ilay Hafatra izay ninoan'izy ireo sy fantany ho ny Fahamarinana. Raha tsy izany, dia natahotra an'Izany izy ireo.

¹⁴¹ Presbyterana firy, Metodista firy, Batista firy, eto amin'izao tontolo izao, Pentekotista firy, no mahafantatra ny Fahamarinana nefafa matahotra ny hanohana an'Izany? Resy lahatra aho ny hanontany hoe, inona no nilatsaka teo aminareo? Ampahan'ny Fitsanganany ve ianareo? Sahy hikiakiaka ho an'ny foto-kevitra sy hevitr'olona ve ianareo? Sa, manana an'ilay tena fahasahiana ianareo sy ilay-ilay tena maha-lehilahy izay ilaina, mba hitsangana ka hiantso ny tsara ho "tsara," ary ny ratsy ho "ratsy"? Ampahan'ny Fitsanganany ve ianareo, sa mpivavaka iray an'ny andiana fanekem-pinoana? Mpandeha any am-piangonana iray ve ianareo, manana ny anaranareo eo ambony eo ve ianareo, ka maty ao amin'ny fahotana sy ny heloka?

Izay tsy mino ny Tenin'Andriamanitra feno dia mpanota iray.

¹⁴² Nino zavatra betsaka ireo Fariseo ireo, ho ny Fahamarinana. Hoy izy ireo hoe, "Zanak'Andriamanitra izahay." Ary izany izy ireo, mandra-pahatongan'ity Teny ity ho voatory. Fa rehefa voatory sy voamarina ity Teny ity, tamin'izay fotoana izay dia lasa mpanota izy ireo, nohon'ny fandavana an'ilay Zavatra izay fantatr'izy ireo fa marina, ary njoro vavolombelona an'izany. "Fantatray fa mpampianatra iray avy amin'Andriamanitra Ianao, satria tsy misy olona afaka manao an'ireo zavatra izay Ataona raha tsy Andriamanitra no momba Anao."

¹⁴³ Manontany aho androany, aiza no misy antsika? Manontany anareo aho. Aiza no ahitan'ity fitsanganana ity antsika? Sahy hijoro ve ianareo? Sahy handray an'Andriamanitra amin'Ny Teniny ve ianareo? Raha voalahatra ho amin'ny Fiainana ianareo, dia azo antoka fa hanao an'izany. Raha voromahery iray ianareo, dia tsy ho voasakana tsy hanao an'izany, misy Zavatra ao anatinareo ao. Sa, te-hanompo fanekem-pinoana iray any ho any ve ianareo, hanao hoe, "Mandeha any am-piangonana aho. Tsara tahaka anao mihitsy aho"? Hitانareo? Raha tsy mihazona an'ireo fizokiana ianareo, dia tsy hahita an'izany mihitsy, tsy afaka hahita an'izany ianareo. Fa raha mihazona ny fananana an'io fizokiana io ianareo, dia tsy voasakana tsy hahita an'izany, satria amphanareo izany ary ianareo amphan'izany.

¹⁴⁴ Ahoana no ahafahako handà an'ilay reny izay niteraka ahy? Ahoana no ahafahako handà an'ilay ray, izay ny ràny manokana no ato anatiko? Ahoana no ahafahako handà an'i Charles Branham tsy ho raiko? Tsy afaka manao an'izany aho. Manaiky ny hiharitra ny latsany aho na ny zavatra hafa, satria zanany aho. Haleloia!

¹⁴⁵ Noho izany satria zanak'Andriamanitra iray, ary Izy no Tenin'Andriamanitra, dia ahoana no ahafahako handà an'ity Baiboly ity ho Fahamarinana, hoe Jesosy Kristy no tsy miova omaly, anio, ary mandrakizay? Ary eo am-pahitana ny ora izay iainantsika, dia mila Paska iray ao am-pianganana isika. Fitsanganana! Mila fitsanganana iray isika, hanome hery ny finoana, lehilahy sy vehivavy hanohana an'izany dia ny Tenin'Andriamanitra voamarina.

¹⁴⁶ Hoy ianareo, "Eny, izahay manana ny Hatanoranay ho an'i Kristy." Mety tsara izany. "Ny fiangonanay dia manana fivoriana iray. Mila mambra betsaka tahaka an'izao izahay." Tsy misy na inona na inona manohitra an'izany. Mety tsara izany. Fa ilay hafanana fotsiny ihany izany. Mety ho volon'akohovavy antitra iray izany. Fa raha hiditra ao amin'ilay hafanana tsara ao ianareo, dia hafoy voromahery izany raha atodim-boromahery iray ianareo. Ary raha voatendrin'Andriamanitra mialoha hahita an'izany ianareo, dia tsy voasakana tsy hahita an'izany, hiseho ianareo ao amin'ny fitsanganana iray. Tahaka an'izany no nahaterahan'ny Batista, tahaka an'izany no nahaterahan'ny Metodista, tao amin'ny fitsanganana iray an'izany andro izany, saingy nivadika ho akohovavy iray izy ireo raha tokony ho voromahery iray.

¹⁴⁷ Araka ny nolazaiko vao tsy ela akory izay, nandeha avy tany Tucson, dia nandinika zavatra iray tena hafahafa mihitsy aho. Nahita papango iray aho nipetraka teo ambonin'ny tariby tany. Io papango io dia efa ela no nanariany ny fanondroana azy. Vorona iray nifanakaiky tamin'ny voromahery izy taloha. Tsy afaka nanaraka an'ilay voromahery izy; tsia, velively. Tsy misy na inona na inona afaka manaraka voromahery iray. Fa papango iray izy.

¹⁴⁸ Kristy no Voromahery, ary tokony ho papango iray ny fiangonana fara-fahakeliny. Afaka manidina avo kokoa noho ny sisà amin'ny vorona hafa rehetra izy. Saingy lasa nalemy io papango io. Veriny ny fanondroana azy. Mipetraka eo ambonin'ireo taribin'ny telefona izy ary miandry bitro maty iray. Miantsambontsambotra tahaka ny volotora iray izy, raha tokony hanidina tahaka ny papango iray.

¹⁴⁹ Oh, ry rahalahiko, anabaviko, ianareo vahoaka Pentekotista, izay olona malalako manokana! Mahavery ny fanondroana azy ny fiangonana. Midina izy ary miankina amin'ny fanekem-

pinoana ara-pototra maty iray, raha tokony hanidina eny amin'ireo an'ny Lanitra, any, ho an'ny mana vaovao.

¹⁵⁰ Nitady ny manany manokana ny papango iray taloha, saingy maka an'izay itsahan'ireo fiara sy izay hanin'ireo volotora izy amin'izao andro izao. Miantsambontsambotra tahaka ny anankiray izy. Mitovy amin'ny anankiray izy.

¹⁵¹ Manaingo ny tenantsika amin'ilay izao tontolo izao moderina isika, manapaka ny volony ireo vehivavintsika, ary manao sorta, ireo lehilahintsika tsy manana hazondamosina ampy hitsanganana eo amin'ny polipitra ka hiteny ny fahamarinana. Malemy eo amin'ny Teny efa ela isika.

¹⁵² O Andriamanitra, iraho ny Fanahy Masina ka tadiavo ireo voromahery any ho any, izay vonona ny hitsangana any, tsy mampaninona izay miseho, izay hanidina ao amin'ilay tsy fantatra, tsy hipetraka eo ambonin'ireo taribin'ny telefona ka hiandry literatioran'ny sekoly Alahady iray ho avy. Avelao aho hanana ny Teny, ary ao amin'ny fahadiovan'ny hery sy ny fanehoan'ny Fanahy Masina. Mila Paska iray isika, fitsanganana iray izay ampahany. Ry sakaizako, raha afa-po amin'ny fatimbiby iray an'izao tontolo izao ianareo, dia misy zavatra tsy mety ao.

¹⁵³ Ry anabaviko, ry rahalahiko, mamelà ahy hilaza aminareo, an'izao, amin'ny fahatahorana masina, eo am-pahafantarana fa mety tsy ho velona intsony hahita Paska iray indray aho. Fa misy zavatra anankiray azo antoka, rehefa ny zanak'Andriamanitra tena izy iray voatendrin'Andriamanitra mialoha, tamin'ny alàlan'ny Tenin'Andriamanitra, no mandre an'io Feon'Andriamanitra io, dia hitsangana izy ka handeha hihaona amin'Izany. Izany ireo ampahany, hoe handeha hihaona amin'ilay tena Teny velona izy. Tahaka Azy, dia hihaona amin'ilay Mpampakatra ny Ampakarina. Ampahan'Ny Vatany Izy.

¹⁵⁴ Mariho, efa ela isika no, verintsika ny fanondroana antsika. Tonga isika ny Alarobia hariva, ny sasany amintsika. Ireo hafa mijanona any an-trano hijery ny *Iza No Tia An'I Susie*, ireo televiziona, ireo karazan-javatra rehetra an'izao tontolo izao, ireo karazana famalifaliana rehetra, mba hihazona anareo hanalavitra ny fiangonana. Efa ela no nanariantsika an'izany.

¹⁵⁵ Ireo seminerantsika, ireo sekolintsika, dia mametraka andiana Ricky miaraka amin'ny teolojia marobe, sy-sy famalifaliana sy ny sisa ao am-piangonana, mba haka ny toeran'ny favoriam-bavaka. Miakanjo isika ary miezaka hanatanteraka an'izay ezaahan'ny moderinista hatao, mampiditra azy ireny. Tsy amin'ny alàlan'izany mihitsy no hahazoanareo azy ireo. Manana betsaka an'izany mihoatra noho ny anananareo izy ireo. Tsy manan-draharaha eo amin'ny taninareo...eo amin'ny taniny. Aoka izy ireo no ho

tonga eo amin'ny anareo, izay amiratan'ny tena batisa, izay misy ny tena herin'ny fitsanganana. Aza miezaka hanorina fiangonana iray tahaka ny azy ireo. Aza miezaka hanana pasitera iray tahaka an'izany. Aza miezaka hanao an'ity, *itsy, hafa*, na hiara-hiasa amin'izao tontolo izao. Mamiratra amin'ny Hollywood izy ireo.

¹⁵⁶ Manjelatra miaraka amin'ny hery ny tena Filazantsara. Ireo voromahery no mandre an'izany. Tsy mitady mamiratra iray izy ireo. Mitady manjelatra iray izy ireo. Manjelatra amin'ny fanetre-tena, manjelatra amin'ny fitiavana, manjelatra amin'ny hery, izany no tadiavin'ny tena voromahery. Tsy afaka hangadingady ao anatin'ny tranom-biby iray ianareo ka hahafaly azy. Tsy hahavita hanao an'izany mihitsy izy. Tsy hiteny an'izany aminy mihitsy ianareo, satria tsy mino an'izany izy.

¹⁵⁷ Avelao io Feo io hikiakiaka avy eny An-danitra hoe, “Izaho no Ilay efa maty, fa velona indray.” Misy zavatra miseho. “Izaho no tsy miova omaly, anio, ary mandrakizay. Ary izao no hiseho amin’ny andro farany, handatsaka ny Tenako eo amin’ny nofo rehetra Aho.” Voninahitra ho an’Andriamanitra! “Izaho no hamelombelona ny fiteninareo mety maty. Izaho no hamelombelona ny lelanareo mety maty. Izaho no hanome anareo ny porofa fa hitondra anareo ao amin’ny fitsanganana miaraka Amiko Aho.” Hanakatra an’izany haingana arak’izay vitany mihitsy ireo voromahery manana fo noana. Izany ilay Voahangy lafo vidy, izay ivarotan’izy ireo ny zavatra rehetra, mba handeha hividianana. Amena.

¹⁵⁸ Hanampy antsika anie Andriamanitra, ry sakaiza. Manary ny fanondroana azy ireo fiangonantsika.

Ndao isika handeha haingana mihitsy ankehitriny eo amin'ny sasany.

¹⁵⁹ Diniho ny fihetsik’ireo mpianatra ireo, natahotra. Fantatr’izy ireo fa Jesosy no Fahamarinana, saingy, hitanareo, nanohitra an’ilay hevitra malaza Izany, ilay fivavahana malaza an’ilay ora, ilay fivavahana sarotiny indrindra, Sar... Fariseo, Sadoseo, sy ny sisa, ireo fombam-pivavahany, antoko, ary ireo anaram-piangonana. Izy ireo dia—izy ireo dia nanohitra an’io “fitokoana” io. Fa Jesosy no Teny voatondro.

¹⁶⁰ Ary Jesosy no Fanahy Masina, ao amin'ny Fanahy. “Vetivety foana dia tsy hahita Ahy intsony izao tontolo izao. Ianareo no hahita Ahy,” tsy ilay vatana; ilay Aina izay tao Aminy. Andriamanitra no teo ambonin’ilay Fiangonana, mba hiantso zanaka tahaka ny Nataony tamin’izany, mankatò.

¹⁶¹ “Manao izay mahafaly Ny Raiko foana Aho. Iza aminareo no afaka hiampanga Ahy amin'ny fahotana?” Amin’ny teny hafa, *fahotana* dia “tsi-finoana.” “Inona no Teny voalaza mikasika Ahy, ka tsy Nataoko?” Izay ilay izy. “Asehoy Ahy hoe inona

no Teny voalaza fa Hataoko, nefà tsy Nataoko. Iza no afaka hiampanga Ahy? Iza no afaka mameetraka ny rantsan-tànany eo Amiko, ka hilaza fa tsy nahatanteraka ny Tenin'Ny Raiko Aho?" Oh, rehefa tonga eo amin'io toerana io ny fiangonana Pentekotista! "Iza no afaka hiampanga Ahy amin'ny tsi-finoana?"

¹⁶² Oh, ry Kristiana, aoka tsy ho voatondro ho papango iray, fa voromahery iray. Malemy io papango io, hidina izy. Tsy mahita voromahery manao an'izany mihitsy ianareo. Tsy hanao an'izany mihitsy izy. Mitady ny sakafony manokana izy, any amin'ilay mangamanga. Andriamanitra no nanamboatra azy mba ahafahany hahita an'izany. Maka mana vaovao izy, fa tsy zavatra izay maty.

¹⁶³ Ao amin'ny Hebreo, rehefa nitety ny an-efitra izy ireo, dia nihinana, niezaka nihinana mana maty. Lasa simba izy. Izany dia nisy—nisy olitra tao anatiny. Fantatrareo izay tiantsika lazaina. Simba fotsiny izy, lò. Kankana no ao anatiny.

¹⁶⁴ Nahoana aho no hihinana sakafo iray izay efa maty taona maro lasa izay? Mety ao amin'ny endrika sy bika ilay izy, saingy tsy vaovao. Isika taranaka tsirairay dia tokony banana sakafo, vaovao. Tahaka an'izany no ataon'ny voromahery izay mitady an'io sakafo io, ny taranaka tsirairay, rehefa ao amin'ny diantsika isika. Mariho.

¹⁶⁵ Ankehitriny dia ndao isika haka olona sasantsasany indray. Ndao isika haka ny sasany amin'ireo mpaminanin'ny Testamenta Taloha, hitanareo izay nataon'izy ireo.

¹⁶⁶ Ndao isika hijery an'i Stefana aloha, ahoana i Stefana teo afovoan'io Fivoriamben'ny Synedriona io. Rehefa nitondra azy teo io favoriambe io, io fiangonana lehibe an'ny mpino io, na natao ho mpino, nitondra azy ka niezaka ny hanameloka azy. "Nahoana," hoy izy, "ianareo mafy hatoka, tsy mifora fo sy sofina, manohitra ny Fanahy Masina foana ianareo." Izany hoe io Fiainana Mandrakizay io. "Tahaka ny nanaovan'ireo razanareo an'izany tany aoriana tany tamin'ireo mpaminany, dia toy izany koa no anaovanareo azy amin'izao andro izao." Ary nihidy vazana taminy izy ireo. Tsy te-handre an'izany izy ireo. Manohitra ny fanekem-pinoan'izy ireo izy. Nanohitra ny anaram-pianganan'izy ireo izy. Dia notorahan'izy ireo vato ho faty ilay lehilahy. Dia nanangana ny tànany izy, njery nankany An-danitra, nanao hoe, "Mahita ny lanitra misokatra aho, ary Jesosy mitsangana eo amin'ny ilany ankavanana." Nahoana? Nanana ny fitsanganana izy, hery mamebelona tao anatiny, izay nitondra azy nankeo an-tratran'i Jesosy.

¹⁶⁷ Mariho, haingana mihitsy ankehitriny. Jereo i Filipo, tany tao anatin'ny fifohazana lehibe iray. Nanana fifohazana iray izay nisy ka tsy sahin'ny lehilahy iray, nahoana, raha nanana fiaraha-miasa goavana teo anivon'ireo fiangonana sy ny

zavatra rehetra izy tany. Nanana fifohazana lehibe iray. Ary niteny taminy ilay herin'Andriamanitra mamelelona, nanao hoe, "Stefana . . ." Mety nilaza Izy hoe, "Manana fifohazana lehibe iray ianao, saingy manana lehilahy anankiray Aho izay Tiako hiresahanao."

¹⁶⁸ Ary mpankatô i Stefana, tsy mampaninona na inona ilay izy, mpitsikera firy. "Oh, Stefana, tsy afaka miala ianao."

"Fa, afaka aho. Andriamanitra no niteny an'izany."

¹⁶⁹ Dia nandeha nankany an-tany efitra izy, ary tany no nahitany an'ity ionoka ity. Ary inona no nitranga? Hoy izy hoe, "Efa . . . Raha mino amin'ny fonao rehetra ianao, hoe Jesosy no Zanak'Andriamanitra, dia hanao batisa anao aho." Rehefa nataony batisa izy . . .

¹⁷⁰ Jereo. Novelombelomin'io hery mamelelona io izy, mba handao fifohazana iray an'ny olona an'arivony, hankany amin'ny tany efitra, ho an'ny lehilahy anankiray. Oh, hanohitra ny antony rehetra izany. Hitanareo? "Nahoana, misy iray alina miandry anao *eto*." Saingy misy anankiray miandry, *any*. Hitanareo? Ary ilay hery mamelelona no naniraka azy hankany amin'ny toerana nomanin'Andriamanitra. Haleloia!

¹⁷¹ Ry lehilahy sy vehivavy, hanao anareo hitsangana amin'ny tongotraereo Izany. Hanao anareo hanao an'ireo zavatra izay tian'Andriamanitra hataonareo Izany. Tsy ahoako izay lazain'ny olon-kafa mikasika an'izany. Hoy ilay mpiara-monina hoe, "Oh, nahavery ny sain'izy ireo io olona io. Mivavaka mandritry ny alina manontolo; mamaky ny Baiboly izy ireo." Tsy ahoako izay lazain'izy ireo. Izany no niantsoan'Andriamanitra mba hataonareo. Marina izany. "Oh, milaza izy ireo fa tsy afaka mahazo an'ireo fanao fahiny isika, ireo fifohazana Pentekotista." Oh, eny, isika dia afaka, ihany koa. Afaka manana an'izany ianareo ao anatin'ny tenanareo. Ary ianareo no maro an'isa, amin'Andriamanitra, tsy mampaninona izay heverin'ny sisamamin'izy ireo.

¹⁷² Mariho, rehefa, tao amin'ny fankatoavana. Henoy tsara ankehitriny. Rehefa avy nankatô an'Andriamanitra, an'Ny Teniny, rehefa nahatanteraka ny fanirahany izy, dia io hery mamelelona izay noraisiny tamin'ny Pentekosta io no nitondra azy, namelelona ny vatany. Maily sy maily lavitra, no nitondrana azy tao amin'ny Fanahy, ka hita tany amin'ny firenena hafa iray tany ho any izy. Ny herin'Andriamanitra mamelelona! Ary raha pentekotista isika, "Io hery iray io ihany izay nanangana an'i Jesosy tamin'ny maty, raha mitoetra ao anatin'ny vatanareo mety maty Izany." Hitanareo? Eny àry. Mariho.

¹⁷³ Ndao isika haka lehilahy iray hafa niaraka tamin'io hery mamelelona io. Nisy lehilahy iray ela be tany, tamin'ny anarana hoe Enoka. Rehefa tonga ny zava-baovao iray, rehefa

tonga ny zavatra iray ka nanao hoe, "Eny, ankehitriny isika dia tokony hiverina hankany amin'ilay sekoly tranainy, na *ity, itsy*, na ny *hafa*," Enoka dia nandeha niaraka tamin'Andriamanitra. Na inona na inona nolazain'Andriamanitra hatao, dia tsy diso tamin'ny Teny anankiray mihitsy i Enoka. Nandeha niaraka tamin'Andriamanitra izy. Inona izy? Zanak'Andriamanitra iray izy. Voromahery iray izy izay nantsoina ho an'io andro io.

¹⁷⁴ Ary rehefa tonga ny fotoana, dia tena fenon'io hery mamelembelona io izy! Tsarovy, nandeha nandrity ny dimanjato taona, na mihoatra, teo anatrehan'Andriamanitra izy, fa tsy nisy fotoana anankiray izay nahadiso azy tamin'Ny Teniny. Tsy nisy fotoana iray izay nitondrany ratsy ny tenany. Tsy nisy fotoana iray izay nanaovany afa-tsy ny nihazona an'ilay filazana. Ny zavatra rehetra izay notenenin'Andriamanitra taminy mba hataony, dia nandeha izy ka nanao an'izany. Tsy nisy adi-hevitra mikasika an'izany, nandeha fotsiny izy ka nanao an'izany. Tsy mamparinona izay noeritreretin'ny olonkafa, nandeha izy ka nanao an'izany. Nahoana? Feno an'io hery mamelembelona io izy. Ary rehefa tonga ny fotoana hahafatesan'ilay lehilahy antitra, dia nampidina an'ilay tohatra fotsiny Andriamanitra dia niakatra nankany an-Trano izy. Namelombelona azy Izy, ka nitondra ny vatany mety maty nankao amin'ny fampakarana. Amena. Izany io hery mamelembelona io.

¹⁷⁵ Jereo i Elia, rehefa vita ny asany teto an-tany. Tena feno an'io hery mamelembelona io izy, nanameloka an'ireo volo tapak'i Jackie Kennedy tamin'ny androny izy. Noteneniny tamin'i Jezebela antitra izay noeritreretin'ny mikasika azy. Niteny tamin'ireo mpitoriteny sy mpisorona izay tsara sy ratsy izy, fa tsy nino azy izy ireo. Fa nomelohiny ireo vehivavy niloko tarehy sy ny sisa, tena mafy mihitsy. Ary tena feno an'io hery mamelembelona io izy hany ka tsy nisy na inona na inona afaka nanisy ratsy azy. Namahana azy avy tany an-danitra Andriamanitra, namoaka azy ary nametraka azy nihataka. Ary tena feno hery mamelembelona izy, tonga ny fotoana ahafatesana, nisokatra ilay Jordana, ary nandeha fotsiny izy, nidina ny kalesy iray ka nitondra azy niakatra nankany an-Trano, tena fenon'io hery mamelembelona io. Izy dia zanak'Andriamanitra iray marina, tena izy. Hia.

¹⁷⁶ Mariho, nanana mpandimby iray izy, ary ny anarany dia Elisa. Ary nanana ampanhan-droa i Elisa, an'io hery mamelembelona io. Hitareao? Nanana ampanhan-droa an'izany izy. Ankehitriny, nitory teny nandrity ny valopolo taona teo izy, na teo amin'ny valopolo taona teo izy. Lasa narary izy ary maty. Ankehitriny, tsy nandeha nankany an-Trano tahaka an'i Elia izy. Hitareao? Izy roa ireo dia voasolotena ao amin'ilay Fianganana; ireo olo-masina sasany mandeha, ary ny sasany mitsahatra. Fa mariho rehefa nakarina tao

amin'ny fampakarana i Elia; avy eo Elisa dia nandeha natory, tao amin'Andriamanitra, feno hery mamelembelona. Jereo ny faminianiany talohan'ny nahafatesany mihitsy. Hitanareo?

¹⁷⁷ Ankehitriny, mamele à ahy haneho aminareo. Tsy ahoako na maty ianareo, na aiza no misy anareo, tsy miala mihitsy io hery mamelembelona io. Taona sy taona taorian'ny fahafatesany, lò tanteraka nynofony, nandany azy tanteraka ireo kankan'ny hoditra. Fa nitondra lehilahy iray maty izy ireo, indray andro, nanipy azy teo ambonin'ireo taolana ireo, ary nisy hery mamelembelona betsaka teo hany ka niverina tamin'ny fiainana indray ilay lehilahy. Haleloia! Nanangana azy tamin'ny maty, satria teo ambonin'io olo-masin'Andriamanitra io ilay hery mamelembelona, tsy niala taminy mihitsy, nijanona tsara teo amin'ireo taolana ireo.

¹⁷⁸ Oh, tsarovy, nofon'ny Nofony isika, taolan'ny Taolany, raha Ny Ampakariny isika. Tsy hanelingelina an'io hery mamelembelona io mihitsy ny fahafatesana. "Na dia levon'ny kankan'ny hoditra aza ity vatana ity, dia mbola hahita an'Andriamanitra ao amin'ny nofoko aho." Voninahitra ho an'Andriamanitra! Inona ny...Tsy fantatro izay lazaiko. Fanantenana iray toy ny inona ho an'ny lehilahy antitra iray tahaka ahy, eo am-pahafantarana fa mahita ny fiafarany'ny androko tsy ho ela mihitsy aho any, satria enina amby dimampolo taona.

¹⁷⁹ Hatramin'ny na ha-zazalahy bitika kely ahy no nitsanganako teto, niezaka nanambara an'Ity. Saingy fantattro fa ao anatiko, tsy misy tsara izay ananako, tsy misy na inona na inona vitako, fa ao anatiko dia misy an'io hery mamelembelona io; namelombelona ahy izany indray andro niala tamin'ireo zavatr'izao tontolo izao, fony lehilahy tanora iray, nankao amin'ny Fiainana Mandrakizay. Oh, ireo zavatra izay nitranga! Nahita fahitana aho, niteny an'ireo zavatra nialoha. Tsy mbola namela na inona na inona diso mihitsy Izy. Niteny tamin'ny fiteny hafa aho. Naminany aho. Nanao an'ireo zavatra ireo tamin'ny alàlan'ny Fanahn'Andriamanitra izay nitoetra tato anatiko aho. Izany ilay hery mamelembelona. Fantattro fa indray andro any...

¹⁸⁰ Velona ny Mpanavotra ahy ankehitriny. Ary indray andro any rehefa tonga Izy, dia hitsangana indray ireto taolana ireto, handeha hitsena Azy eny amin'ny habakabaka. Afaka mandevina ahy ao anatin'ny ranomasina ianareo, mandoro azy, na aiza na aiza tianareo. Mandrakizay io hery mamelembelona io. Fioo! Mahatsapa ny Paska aho izao ankehitriny izao. Eny, tompoko. Efa taona maro no nananako azy. Ato anatiko izany.

¹⁸¹ Ao anatinareo izany. Raha, ianareo, ny Fanahy izay nanangana an'i Jesosy tamin'ny maty no mitoetra ao anatin'ny vatanareo mety maty, dia Izany no namelombelona anareo

avy tamin'ireo zavatr'izao tontolo izao, nankao amin'ny Tenin'Andriamanitra irery ihany. Izany no namelobelona anareo avy tamin'ity fiainana ity ho amin'ny Fiainana Mandrakizay. Ianareo izay maty tao amin'ny fahotana sy heloka fahiny dia efa niara-novelombelomina ankehitriny, mba hipetraka ao amin'ireo toeran-Danitra miaraka amin'i Kristy Jesosy, misakafo amin'ny Mana avy any Ambony, mahita ny tānan'Andriamanitra tonga voaseho, manaporofa ny teny fikasan'ity andro ity.

¹⁸² “Tahaka ny tamin’ny andron’i Noa, dia ho toy izany koa amin’ny fihavian’ny Zanak’olona. Nihinana izy ireo, nisotro, nanambady, navoaka hanambady. Ary tahaka ny tamin’ny andron’i Lota, dia ho toy izany koa amin’ny ora izay hisehoan’ny Zanak’olona eto ambonin’ny tany,” tsy Zanak’Andriamanitra, intsony. “Zanak’olona,” miverina ho Hafatra ara-paminaniana ho an’ny andro farany rehefa hanidina io voromahery io; tsy ilay liona; tsy ilay omby tao amin’ny taonan’ny fanatitra. Hitanareo?

¹⁸³ Isan’andro, dia nivoaka ny hery ara-pivavahana iray mba hihaona amin’ilay fihaikan’ny hery ara-politikan’izao tontolo izao. Rehefa nitsangana ilay liona, ilay hery ara-pivavahana, dia nandeha nihaona tamin’ilay hery Romana izy.

¹⁸⁴ Ary avy eo rehefa tonga ny oran’ny fanatitra, dia nivoaka ilay omby, satria izy no Biby fanatitra an’ny Tompo.

¹⁸⁵ Avy eo dia tonga ireo mpanavao, nanerana an’ireo taompiangonana, tonga ilay tavan’olona. Ary ireo mpanavao ireo dia efa hatrany amin’i Luther, Wesley, oh, Calvin, nitohy nidina, nidina, taona pentekotista.

¹⁸⁶ Fa tao amin’ilay Hafatra farany izay nivoaka, dia indro tonga ny voromahery nanidina iray. Izao no fotoan’ny voromahery, fotoan’ny fanambarana, ny Tenin'Andriamanitra tonga voaseho, ny Tenin'Andriamanitra voaporofo. Oh, rankizy, midira ao amin’io batisan’ny Fanahy Masina io. Midira ka minoa an’Izany, amin’ny fonareo rehetra, Andriamanitra no hameno anareo.

¹⁸⁷ Jereo eto ankehitriny. Mahita isika ankehitriny, tsarovy, “Isika no nofon’ny Nofony, sy taolan’ny Taolany.” Satria nanangana ny Taolany sy ny nofony avy tao am-pasana Andriamanitra, dia tsy afaka manafina an’ilay lehilahy izay manana an’ireo ampahany izy ireo. Tsy afaka naka azy ny fahafatesana. Hoy Jesosy hoe, “Izay rehetra nomen’ny Ray Ahy no hanatona Ahy. Izaho no hanangana azy ireo amin’ny andro farany.” Oh, oadray! Paska! Nahoana, ao amin’ny Paska mihitsy isika. Rehefa nitsangana Izy, dia nitsangana niaraka Taminy isika. Namerina an’ilay didim-pananana tsy azo lavina Izy. Mihazona an’izany isika, dia ny batisan’ny Fanahy Masina. “Velona mandrakizay Izy; ilay tsy miova omaly, anio, ary mandrakizay.” Hebreo 13:8 no manaporofa an’izany. Izy no tsy miova.

¹⁸⁸ Ireo Mesianikany, voahosotra no mino an'izany. Inona ny Mesia? Inona ny Mesia? *Mesia* dia "Anankiray voahosotra." Ary ankehitriny raha Izy no Mesia, satria ilay Anankiray voahosotra ho an'izany andro izany, mba hanatanteraka ny Tenin'Andriamanitra, mba ho Mpanavotra sy ilay Anankiray voahosotra, ary Andriamanitra no nanangana an'io vatana io; dia Ny Ampakariny no ilay anankiray voahosotra ho an'izao andro izao. Efa nitsangana niaraka Taminy tao amin'ny fitsanganana Izy, satria, "Izy roa ireo dia iray." Amena.

¹⁸⁹ Izaho—maniry aho ny ahafahako hiteny azy tahaka ny ahitako azy. Maniry aho ny hanana fianarana ahafahako hanaovana azy. Hitanareo? Izaho—manantena aho fa hitanareo izany. Manantena aho, fa Andriamanitra, ilay Fanahy Masina dia midina eo ka mametraka an'izany ao am-ponareo, mba hahita izay tiako lazaina.

¹⁹⁰ Ny fitsanganana, ao amin'ny fitsanganana isika ankehitriny. Mipetraka miaraka Aminy ao amin'ny fitsanganana isika, saingy ireo izay manana Fiainana fotsiny ihany.

¹⁹¹ Tsy ireo izay tsy manana Fiainana. Tsy ho fantatr'izy ireo Izany. Tsy ho fantatr'izy ireo mihitsy Izany. Hanohy hihevitra avy hatrany izy ireo fa manana ny Fanahy Masina, efa voavonjy, ary ho efa vita ny Fampakarana ka lasa. Hoy Izy, "Efa tonga sahady i Elias, fa tahaka an'izany no nataon'izy ireo, nefy tsy fantatrareo izany." Hitanareo?

¹⁹² Mariho. Tsy mampijanona an'ilay herin'Andriamanitra mamelembelona ny fahafatesana. Mariho. Tsy afaka mampijanona an'izany ny fahafatesana.

¹⁹³ Hoy ianareo hoe, "Eny, vehivavy iray feno ny Fanahy ny reniko. Ny dadako, tsy mbola nahita lehilahy iray tena feno hery tahaka ny dadako mihitsy aho. Saingy maty izy, Rahalahy Branham." Azo antoka. Tsy nampijanona an'ilay hery mamelembelona izany.

¹⁹⁴ Nanana an'io hery mamelembelona io i Mosesy. Mino an'izany ve ianareo? Tsy nisy lehilahy iray tahaka azy teto ambonin'ny tany, hatreo amin'i Jesosy. Satria tsy nahita fahitana fotsiny ihany izy, fa niresaka nifanatrika tamin'Andriamanitra.

¹⁹⁵ Na dia mpaminanivavy iray aza, Mirama, dia nanohitra ny teniny indray andro. Hoy Izy hoe, "Tsy matahotra an'Andriamanitra ve ianao? Diniho ny mpanompoko, Mosesy. Tsy misy olona tahaka azy eto amin'izao tontolo izao, amin'ity ora ity. Tsy mbola nisy olona iray tahaka an'i Mosesy mihitsy. Miresaka amin'i Mosesy Aho. Inona no hany nolazainy, ka tsy fahamarinana? Hitanao? Miresaka amin'i Mosesy Aho. Tsy matahotra an'Andriamanitra ve ianao? Aza milaza teny iray manohitra azy ianao." Ary teo no ho eo dia tratry ny habokana izy ary—ary teo am-pahafatesana. Tsy velona ela loatra izy, taorian'izany. Nivavaka ho azy i Mosesy.

¹⁹⁶ Ary niakatra teny an-tendrombohitra i Mosesy, tamin'ny faha-roapolo amby zato taonan'ny asam-panompoana, na valopolo taonan'ny asam-panompoana; roapolo amby zato taonan'ny fiainana, niakatra teny an-tendrombohitra ary maty, ka nalevina tao amin'ilay lohasaha. Fa teo aminy io hery mamelembelona io. Teo amin'ny valonjato taona taty aoriana, dia indro izy, nitsangana teo amin'ny Tendrombohitra Fiovan-tarehy. Amena. Inona izy? Tafiditra tao anatin'io fitsanganana io izy. Azo antoka, tafiditra izy. Nanana an'ilay herin'Andriamanitra mamelembelona izy. Teo izy, nitsangana.

¹⁹⁷ Jereo i Joba, Abrahama, Isaka, ireo olo-masina tamin'ny andron'ny fitsanganana, ilay maraina lehibe izay nahafantaran'i Joba sy izy rehetra ireo an'izay ho avy. Rehefa, hoy izy hoe, "Fantatro fa velona ny Mpanavotra ahy," an-jatony sy an-jatony taona talohan'i Kristy. Izany dia, raha ny marina, dia ny Bokin'i Joba no voasoratra talohan'ny Genesisy, izy ireo no milaza, ilay Boky tranainity indrindra ao amin'ny Baiboly.

¹⁹⁸ Ary tao amin'ireo fizahan-toetrary, dia tahaka ny andalovantsika ankehitriny. Ary ny vadiny, aza, ilay zavatra akaiky azy indrindra teto an-tany, dia nanao hoe, "Tsy hanozona an'Andriamanitra ve ianao dia ho faty amin'ny fahafatesana?"

¹⁹⁹ Hoy izy hoe, "Miteny tahaka ny vehivavy adala iray ianao. Ny Tompo no nanome, ny Tompo no naka, isaorana anie ny Anaran'ny Tompo."

²⁰⁰ Ary avy eo rehefa tonga teo aminy ny Fanahin'Andriamanitra, ka nanomboka naminany izy, dia hoy izy hoe, "Fantatro fa velona ny Mpanavotra ahy, ary hitsangana eto ambonin'ity tany ity Izy amin'ny andro farany. Na dia levon'ny kankan'ny hoditra aza ity vatana ity, dia mbola hahita an'Andriamanitra ao amin'nynofoko aho." Ary nanamboatra toerana iray handevenana ny tenany izy. Hoy izy hoe, "Hovidiantsika ity tany ity." Nividy izy tany ka nandevina ny tenany.

²⁰¹ Taty aoriana, dia tonga ny lehilahy iray nantsoina hoe Abrahama. Nitombo ilay fiangonana, nandroso. Abrahama, eny, ankehitriny, izy dia nanana an'ireo ampahan'Andriamanitra, ihany koa, Fiainana mandrakizay, Mandrakizay, satria Andriamanitra no niantso azy. Mariho ankehitriny. Rehefa maty izy, na maty i Saraha, dia nividy ampahan-tany iray tao Palestina izy, teo akaikin'ny fasan'i Joba, ary nandevina an'i Saraha. Maty i Abrahama ary nalevina niaraka tamin'i Saraha ihany koa. Abrahama niteraka—niteraka an'i Isaka.

²⁰² Ary Isaka, rehefa maty izy, dia natory niaraka tamin'i Abrahama, tao amin'ilay fizaran-tany iray ihany. Ankehitriny, rehefa, Isaka niteraka an'i Jakoba . . .

²⁰³ Maty i Jakoba, tany Egypta lavitra tany. Saingy satria mpaminany iray, ankehitriny, niaraka tamin'io ampahany io,

io hery mamelobelona io, dia hoy izy hoe, "Aza alevinao eto aho, ry Josefa. Avia eto, ry zanako mpaminany. Apetraho eto ambonin'ity maoja izay nokilemain'Andriamanitra ity ny tñananao. Mianiana amin'ilay Andriamaniry ny Lanitra fa tsy handevina ahy eto ianao." Inona no tao anatin'io lehilahy io? Nahoana i Egypta no tsy tsara tahaka ny toerana rehetra mihitsy? Mpaminany iray izy. Fantany izay hisy an'io fitsanganana io. Tsy ho ao Egypta izany; ho ao Palestina. Hoy izy, "Apetraho eo ambonin'ny maojako kilemaina ny tñananao, ka mianiana amin'ilay Andriamanitra izay tomboiko. Zanako mpaminany ianao, ka, tsy handevina ny taolako eto. Ento any aho ka aleveno."

²⁰⁴ Josefa, satria mpaminany iray, ihany koa, dia nametraka ny tñany teo amin'ny dadany kilemaina. Hoy izy, "Mianina amin'ilay Andriamanitr'i Abrahama, Isaka, an'i Jakoba aho, fa tsy handevina anao eto." Nentin'izy ireo izy ary nalevina tao amin'io firenena io. Nahoana? Nahoana?

²⁰⁵ Rehefa maty i Josefa, dia hoy izy hoe, "Aza alevinareo eto aho. Aza alevinareo eto aho." Nahoana? Andriamanitra dia Andriamanitra hatraiza hatraiza, saingy manana drafitra iray Izy. Mpaminany iray i Josefa. Hoy izy hoe, "Indray andro any," henoy, ireo teniny, "ny Tompo Andriamanitra dia ha-ham-... hamangy anareo, ka hitondra anareo hivoaka avy amin'ity firenena ity. Ary rehefa mandeha ianareo, dia ento ireo taolako."

²⁰⁶ Tao anatin'ireo taolana ireo io hery mamelobelona io. Oh! "Raha ny Fanahin'Izay nanangana an'i Kristy tamin'ny maty, no mitoetra ao anatinareo, dia Izy ihany koa no hamelobelona ny vatanareo mety maty."

²⁰⁷ "Aza apetraka eto ny taolako. Aleveno any miaraka amin'ireo manana ny teny fikasana izy ireo."

²⁰⁸ Rehefa tonga Jesosy, indro, manana Soratra iray aho eto, Matio 27:51. Rehefa nitsangana tamin'ny maty Jesosy, dia nahita an'izany tonga i Joba, nanao hoe, "Fantatro fa velona ny Mpanavotra ahy. Amin'ny andro farany, dia hitsangana eto ambonin'ny tany Izy. Na dia levon'ireo kankan'ny hoditra aza ity vatana ity, dia mbola hahita an'Andriamanitra amin'nynofoko aho. Hahita Azy aho." Nahafantatra izy ireo. Izany ny mpaminany iray. Mpaminany iray i Abrahama. Mpaminany iray i Isaka. Mpaminany iray i Jakoba. Mpaminany iray i Josefa. Ary nanana ny fanambaran'Andriamanitra izy ireo, araka Ny Teniny. Ary tamin'ny marainan'ny Paska, rehefa tonga io Anankiray io ka nanavotra an'ireo rehetra izay nino Azy ireo, izy ireo dia nitsangana, ihany koa, araka ny Baiboly.

²⁰⁹ Niditra tao anatin'ny fasan'i Joba io hery mamelobelona io, izay tsy nisy na dia vovoka eran'ny sotro akory aza tavela avy tamin'ireo taolany. Taorian'ireo an-jatony rehetra, sy an-jatony, ary an-jatony taona ireo, dia efa simba ireo

taolany. Izany—niverina izany, ary nivadika ho enton'ny tany indray, ary lavenom-bovoka tsotra iray fotsiny no nipetraka teo. Fa, kanefa, rehefa io hery mamelembelona io, araka ny Tenin'Andriamanitra, araka ny teny fikasana, an-jatony sy an-jatony, eny, an'arivony taona taty aoriana, rehefa nivoaka avy tao am-pasana io hery mamelembelona io; Joba, Abrahama, Isaka, Jakoba, izy rehetra ireo, dia nivoaka avy tao am-pasana niaraka Taminy.

²¹⁰ Ny Baiboly no niteny an'izany. Masindahy Matio, ny toko faha-27 ary ny andininy faha-51, izao no voalaza, "Maro tamin'ireo olo-masina izay natory tao amin'ny vovoky ny tany, no nitsangana ka nivoaka avy tao am-pasana niaraka Taminy, rehefa nitsangana Izy tamin'ny marainan'ny Paska." Nahoana? Nanana an'io ampahany io izy ireo. Nanana an'io hery mamelembelona io izy ireo, hitanareo, ka nitsangana tamin'ny maty, ary nandeha tao amin'ny fitsanganana niaraka Taminy. Nankasitraka ny fitsanganana niaraka Taminy, satria feno an'io hery mamelembelona io izy ireo. Nanana an'io tombokasen'ny Paska tena izy io izy ireo.

"Eny," hoy ianareo, "maniry aho ny ho velona tany aoriana tany tao amin'ny Testamenta Taloha."

²¹¹ Andraso iray minitra. Ao amin'ny Voalohany Tesal-... Tesaloniana, ny toko faha-4, ny andininy faha-16, tiako ianareo hamaky an'izany. "Tsy tiako tsy ho fantatrareo, rahalahy, ny mikasika an'ireo izay nodimandry, mba tsy halahelovanareo, tahaka ny sasany izay tsy manana fanantenana. Fa raha mino isika fa efa maty Jesosy, ary nitsangana indray tamin'ny andro fahatelo," tsy mody-finoana, fa mino an'izany isika, "dia ho toy izany koa no hitondran'Andriamanitra an'ireo izay nodimandry tao Aminy hiaraka Aminy."

²¹² Ireo olo-masin'ny Testamenta Vaovao miaraka amin'io hery mamelembelona io, dia hitsangana, ihany koa, amin'Ny Fihaviany faharoa; azo antoka mihitsy tahaka an'ireo olo-masin'ny Testamenta Taloha miaraka amin'io hery mamelembelona io eo amin'ny taolan'izy ireo, sy fampakarana ary hery, sy ny sisa, izay naneho an'Andriamanitra. Ireo mpaminany izay nahatongavan'ny Tenin'Andriamanitra ireo, nitsangana niaraka Taminy izy ireo tamin'io marainan'ny fitsanganana io; ary miaraka amin'ny teny fikasan'Andriamanitra hoe ny tsirairay avy izay ao amin'i Kristy Jesosy dia ho tonga miaraka Aminy koa ao amin'ny Fitsanganany, ilay herin'Andriamanitra mamelembelona eo amin'ireo taolana.

²¹³ Tsy mahagaga, raha mametra-tànana eo amin'ny marary isika. Tsy mahagaga, raha mifankatia isika. Mpirahalahy sy mpirahavavy isika. Tsy tokony hifankahala isika satria ahitsin'ny Tenin'Andriamanitra. Tokony hifankatia isika, ary

hifanaja. Fantatrareo, raha tsy izany ianareo, dia tsy hahasoa anareo izany.

²¹⁴ Misy lehilahy kely iray mipetraka eto mihitsy, izay, eo ambanin'ity fiangonana ity ankehitriny. Andro vitsy lasa izay... Mino io lehilahy io. Tratry ny homamiadana teo amin'ny sofiny ilay tovolahy antitra kely, ary tsy te-hilaza na inona na inona mikasika an'izany izy. Niasa izy tany tao amin'ilay trano. Efa teo amin'ny dia fihazana niaraka taminy aho, tany niaraka tamin-dry Moseley miralahaly, sy Rahalahy Dawson eto. Nihaza izahay tany ambony tany, ny zanakalahin-dRahalahy William. Ary sendra njery ny sofiny aho, ka nahita ny sofiny nivonto tanteraka. Hoy aho hoe, “Inona ny olana, Donavon, amin’io sofina io?”

²¹⁵ Hoy izy hoe, “Rahalahy Branham, efa ela be io no teo. Tsy fantattro.”

²¹⁶ Izaho fotsiny—noraisiko tamin'ny tñanana fotsiny izy tany. Homamiadana goavana iray no teo amin'ny sofiny. Tsy nilaza teny iray mihitsy aho; nihazona an'ilay izy fotsiny, ka nieritreritra hoe, “Ry rahalahiko!” Afaka iray andro na roa taorian’izany, dia tsy nisy holatra iray akory aza tavela tamin'ilay izy. Ny fanajany an'ilay Andriamanitry ny Lanitra, tamin'ny alàlan'ny Heriny mameobelona, no namono an'io homamiadana io ka nitahiry ny ain'i Donavon Weerts iry aoriana iry. Marina izany.

²¹⁷ Inona ireo zavatra ireo? Jereo eto, ireo olona eto Phoenix. Jereonareo ireo olona izay nino an'ity. Jereo ireo olona izay manana an'ity, izay mametraka ny tñanany eo aminareo. Diniho izay mitranga. Izany no hery mameobelona. “Izao famantarana izao no hanaraka an'ireo izay mino.” Raha mametraka ny tñanany eo amin'ny marary izy ireo, io hery mameobelona io, voromahery mankany amin'ny voromahery, dia hisy zavatra hiseho. Ankehitriny, ny voromahery iray mankany amin'ny papangobe iray, tsy hety izany. Voromahery mankany amin'ny voromahery, mitsangana avy ao amin'ny tranom-biby, mankany amin'ireo an'ny Lanitra. “Izao famantarana izao no hanaraka an'ireo izay mino,” rehefa samy ao anatin'ny finoana izy roa.

²¹⁸ Jereo io herin'Andriamanitra mameobelona iray ihany io voaseho tao amin'ireo mpaminany roa ireo, Elia sy Elisa. Mariho, teny mitovy; ny iray amin'izy ireo dia *hakarina*, ilay iray hafa dia *nakarina*. *Hakarina* sy *nakarina*. Hitancareo? Nakarina izy. Isika dia hakarina; hakarina miaraka amin'izy ireo, hitsena azy ireo eny amin'ny habakabaka. “Nakarina mba hitsena azy ireo eny amin'ny habakabaka.”

²¹⁹ Mariho, ny vorona iray dia tsy maintsy manana elatra anankiroa, mba hampifandanja ny tenany. Marina ve izany? Elia no elatry ny fampakarana, Elia. Elisa no elatry ny fitsanganana.

Hitanareo? Izy roa ireo, miaraka, no maneho an'ireo olo-masina izay velona sy ireo olo-masina izay efa lasa.

²²⁰ Tsarovy, novelombelomina mba hahita ny tao ambadika, ireo lamban'efitra. Ahoana fa novelombelomina ireo olona tany aoriana tany ireo mba hahita ny tao ambadik'ireo lamban'efitra ka mahita hatrany amin'ity fotoana ity; ireo mpaminany ireo!

²²¹ Jereo i Paoly, nilaza hoe ho toy ny ahoana ireo olona ireo amin'ny andro farany, hihetsika sy hiantso ny tenany hoe Kristiana. Mpaminany iray izy, feno an'ilay hery mamelembelona, nahita mialoha an'izany niseho. Mino an'izany isika. Sa tsy izany? Nandray hery mamelembelona izy.

²²² Jereo ilay hery mamelembelona amin'izao andro izao, miteny mialoha an'ireo zavatra, tsy misy zava-mitranga anankiray diso. Tsy nisy fotoana iray tsy nahombiazany. Hery mamelembelona; tsy herin'ny lehilahy iray; ny herin'Andriamanitra. Ilay hery, ilay didim-pananana tsy azo lavin'ny Paska, ilay Jesosy nitsangana izay nandefa indray an'ilay didim-pananana tsy azo lavina, mba hiantoka antsika fa efa novelombelomina niaraka Taminy isika.

²²³ Mariho. Tsaroanareo ve ilay boky kely, ny Business Men eto, *Mijery Ny Any Ambadiky Ny Lamban'Efitry Ny Fotoana?* Manomboka miha-antitra aho, mahafantatra fa miha-fohy ireo androko. Izaho lasa tena...

²²⁴ Mandefa an'ilay ampahany kely izay nohirain'ireo ramatoa ireo vao teo aho. Efa nananako izany nandrity ny teo amin'ny valo ambin'ny folo, roapolo taona teo ankehitriny. *Tiako Ny Hiresaka An'Izany Indray, Tompo.* Dia mivoaka eo ka mandeha mivavaka, avy eo dia tonga io hery mamelembelona io. Mitsahatra aho. Nijery tany ambony Tany. Hoy aho hoe, "Jereo iry."

²²⁵ Tsaroako ilay maraina, nakarina tany ambadika. Ary ny vadiko, mipetraka iry aoriana iry, nandry teo amin'ilay fandriana iray ihany niaraka tamiko tamin'io maraina io. Nifoha aho, ary niandranda. Ary teo izy, natory. Hoy aho hoe, "Raha hanao zavatra ho an'ny Tompo aho, dia tsaratsara kokoa aminao ny mandeha haingana, ry tovolahy. Mihoatra ny dimampolo taona ianao." Avy eo dia nampakatra ahy ny Fanahy Masina, ary nijery Tany aho. Hitako ireo olo-masina ireo, azo antoka mihitsy tahaka ny itsanganako eto ambadik'ity birao ity, miaraka amin'ity Boky masina mipetraka eto ity, ary mpitoriteny iray an'ny Filazantsara.

²²⁶ Efa mba niteny zavatra taminareo tamin'ny Anaran'ny Tompo ve aho ka tsy nitranga? Raha niteny aho, dia tiako ianareeo hiteny amiko mikasika an'izany. Isan'andro, dia tena tanteraka ve ilay izy, eto amin'ny lampihazo? Isan'andro, dia nitranga marina tahaka an'izay Nolazainy ve ilay izy? Izany no HOY NY TOMPO HOE.

²²⁷ Nitsangana teo aho, nandinika tamin'io fotoana io. Nahita an'alinaliny tonga aho, lehilahy sy vehivavy tanora, nihazakazaka, nanipy ny sandriny nanodidina ahy, nihiaikiaka. Nijery nankany aoriana aho ka nahita ny tenako nandry teo ambonin'ilay fandriana. "O Tompo, avelao aho hijery ny ao ambadiky ny lamban'efitry ny fotoana."

²²⁸ Inona izany? Izany no hery mamelembelona izay hampakatra antsika. Io hery mamelembelona lehibe io. Tonga amin'izao andro farany izao ny hery mamelembelona.

²²⁹ Ho an'izany no mahatonga ahy any Arizona, izao ankehitriny izao. Misy olona maro mipetraka eto mihitsy, nitsangana teto Phoenix, ary nandre ahy niteny taminareo avy teto amin'ity lampihazo ity mihitsy hoe, "HOY NY TOMPO HOE." Firy no mahatsiaro an'izany? "Mandehana ankehitriny. Misy zavatra vonona hitranga."

²³⁰ Nahita Anjely fito tonga aho. Tsy nampiseho an'izany ve ny *Life* magazina, hoe nitsingevana nanerana teto ny zavon'Izany, fito amby roapolo maily ny hahavony, ary telopolo maily ny velarany? Tsy Fred Sothmann, ireo hafa ireo, Gene Norman, izy ireo, ve no mipetraka ery aoriana ery? Nitsangana tany mihitsy rehefa niseho teo ambonin'ilay havoana mihitsy ireo Anjely fito ireo tany. Nanozongozona an'ireo havoana izany, hatrany amin'ireo maily manodidina, tahaka an'izany. Anjely fito no nitsangana teo. Ary nametraka sabatra iray teo an-tànanareo, nanao hoe, "Mandehana mody ka sokafy ireo Tombokase Fito izay nomena." Ary indro izy ireo, ny zava-miafina marina an'ny fanambadiana sy fisarham-panambadiana, sy ny taranaky ny menarana, ary ireo zavatra rehetra izay nifamaliana ireo. Izany no HOY NY TOMPO HOE.

²³¹ Inona izany? Ilay hery mamelembelona tonga ao amin'ilay Fiangonana, manao Azy ho vonona, amin'ity ora izay anatonantsika ity. Hery mamelembelona!

O Andriamanitra, ampio izahay handray an'Izany. Ampio izahay hino an'Izany.

²³² Hitanareo, miankina fotsiny amin'ny toetra izay handraisanareo Azy izany, na hanao soa anareo Izany, na tsia, na izany aza. Hitanareo? Tsy maintsy mino an'Izany ianareo. Raha tsy mino an'Izany ianareo, dia tsy hanao soa ho anareo Izany na kely aza.

²³³ Toy ny ahoana no nitsanganan'i Samoela antitra teo anatrehan'ny olona, ka nanao hoe, "Efa mba niteny zavatra taminareo tamin'ny Anaran'ny Tompo ve aho ka tsy nitranga? Efa mba nangataka ny volanareo, mba hivelomana ve aho?"

"Tsia, fa mila mpanjaka izahay, na ahoana na ahoana."

²³⁴ Tahaka an'izany ny fiangonana amin'izao andro izao. Mila ny heviny manokana izy ireo. Tsy hiraharaha anareo izy ireo

na kely aza. Mandehandeha eo izy ireo. Eny, izany dia maneho fotsiny, fa tsy eo ilay hery mamelembelona.

²³⁵ “Oh,” hoy ianareo, “Eny, niteny tamin’ny fiteny tsy fantatra aho. Nitsambikina aho ary nihiakiaka.” Mahafinaritra daholo izany.

²³⁶ Fa raha eo io hery mamelembelona io, dia hahafantatra ianareo. Tahaka an’ilay voromahery kely; io no mamany. Izany no Teny. Izany no HOY NY TOMPO HOE. Izany no nampanantenain’Andriamanitra. Izany no voateny mialoha. Izany marina tokoa no nitranga. Isika any ankoatry ny aloky ny fisalasalana, amin’ny ampahany dia ao amin’ny fitsanganana izao ankehitriny izao, vonona ny hakarina eny amin’ny habakabaka ireo olo-masina.

²³⁷ Noho izany, Jesosy, tena feno an’io hery mamelembelona io, dia nanao hoe, “Raha afaka mandrava an’ity tempoly ity ianareo; nila efapolo taona izany ho anareo, nieritreritra ianareo, hanorenana; Izaho hanangana azy afaka telo andro.”

²³⁸ Nahoana? Nahoana Jesosy no afaka nilaza an’izany? Tehanontany anareo aho. Nahoana Jesosy no afaka nilaza zavatra iray tahaka an’izany? Fantany fa Izy Izany. Amena. Maniry aho ny ahafahako mampiraikitra an’izany. Fantany hoe Iza Izy. Fantany fa, ny Teny tsirairay, izay nosoratan’Andriamanitra ato mikasika Azy, dia Izy no nahatanteraka an’izany. Fantany fa Izy no ilay Anankiray izay noresahan’i Davida.

²³⁹ Fantatrareo ve fa ianareo no resahan’ny Baiboly? Fantatrareo ve fa ao amin’i Kristy no toeranareo? Raha ao amin’i Kristy ianareo, dia olom-baovao iray. Fantatrareo ve fa toy ny fainana isan’andro fotsiny ity Teny ity, ho anareo? Nahoana, azo antoka. Anareo Izany. Voromahery iray ianareo. Izany no Sakafonareo.

²⁴⁰ Fantany fa, amin’ny alàlan’ny herin’Andriamanitra, no Hanaovany an’izany, satria efa naminaniana fa Hataony izany. Izany no antony tsy Natahorany hilaza hoe, “Ravao ity tempoly ity. Izaho hanangana azy afaka telo andro, satria hoy i Davida hoe, ‘Tsy hahafoy ny Ainy ao amin’ny helo Aho, na hamela Ny Iray Masiko hahita ny lò Aho.’” Fantany fa tsy hisy sela anankiray an’ny vatany ho lò. Nefa izany dia lò ao anatin’ny roa amby fitopolo ora. Hoy Izy hoe, “Ravao ity tempoly ity. Izaho hanangana azy indray, ao anatin’ireo telo andro ireo.” Nahoana? Tena feno an’io hery mamelembelona izay namelabelona ny Teny tsirairay io Izy. Nitodika Izy ka nahita fa ny Tenin’Andriamanitra tsirairay dia nanoratra ny Aminy, ary nilaza ny mpaminany fa Izy no nahatanteraka an’izany. Fantany fa izany dia ho tanteraka, ihany koa.

²⁴¹ Ankehitriny, ny Teny tsirairay izay nolazain’Andriamanitra, efa nanao “amená” tamin’Izany ve ny fanahinareo, efa tanteraka tao amin’ny fainanareo ve Izany, amin’ny maha-mpino iray?

²⁴² Mifikitra eo amin'ny zavatra iray ve ianareo, manao hoe, “Eny, hafa no ampianarin’ny fiangonako”? Noho izany dia mitandremana tsara, ry papango.

²⁴³ Mariho. Ireo voromahery no mino. Tsy misy fanontaniana, ho azy ireo. Mino an’Izany izy ireo. Mariho.

²⁴⁴ Ankehitriny, Fantany fa hitranga izany satria ny Teny no nilaza fa Izany ilay izy. Ary ny Teny tsirairay voasoratra mikasika Azy dia tsy maintsy tanteraka. Fantany fa Izany dia nosoratan’ny herin’Andriamanitra, tamin’ny alàlan’ireo mpaminany masina izay naminany fa izany no Hataony.

²⁴⁵ Ary tsy diso mihitsy ny faminaniana. Tsy mety izany. Tsy mety diso ny Tenin’Andriamanitra. Ary voasoratra ao amin’ny... amin’ny alàlan’ny Fanahy fa... Ary ankehitriny, izao koa, ny Fanahy izay nanangana an’i Jesosy tamin’ny maty, raha Izany no mitoetra ao anatin’ny tenanareo, ny vatanareo, dia Izany ihany koa no hamelombelona ny vatanareo mety maty. Noho izany, tifiro izy, doroy izy, ataovy ny zavatra rehetra izay tianareo atao, esoy izy, poteho izy, mandàva azy, ataovy izay tianareo atao. Hanangana azy Andriamanitra, satria Izy no nilaza fa hanangana Izy. Ary ny olo-masin’Andriamanitra tsirairay dia manana an’izany teny fikasana izany ao anatiny, mahafantatra fa izany no Fahamarinana. Noho izany, aza matahotra, rahalahy, efa ao anatin’ny Paska isika.

²⁴⁶ Jereo ilay fiovan-tarehy ankehitriny, alohan’ny hamaranantsika mihitsy. Miova tarehy, fiovan-tarehy, voaseho ao anatin’ny fiovan-tarehy isika rehetra. Jereo izay hitantsika androany. Mariho fotsiny izay hitantsika androany, ilay herin’Andriamanitra mamebelona. Efa tany isika rehetra. Nisy an’ireo olo-masina maty, voaseho tao amin’i Mosesy; nisy ny fitsanganana; ary Jesosy Kristy nomem-boninahitra. Elisa... Mosesy, Elia, ary Jesosy, ny rehetra nitsangana teo an-tendrombohitra; ireo olo-masina maty, ireo olo-masina nakarina; ary Jesosy nomem-boninahitra. Oh, oadray!

²⁴⁷ Eny, hoy ianareo... Nandre zalahy iray aho nilaza. Hilaza izy ireo hoe, “Ianareo olona, nahoana, raha nanana an’io karazana hery io ianareo, dia tokony handeha ianareo ka hiteny amin’ny olona an’izay azonareo atao.” Ho lavitra ny tena Kristiana iray anie, ny hilaza zavatra iray tahaka an’izany. Hitanareo? Azo antoka tokoa, tsy mihambo ho manana hery isika. Mba...

²⁴⁸ Fa manao zavatra anankiray isika. Rehefa mijery manodidina izy ireo, niaraka tamin’io hery rehetra io teo amin’izy ireo, “Jesosy irery no hitan’izy ireo.” Ary ny tena mpino, marina dia tsy miraharaha raha manohana anaram-piagonana iray izy, na inona na inona mikasika an’izany. Zavatra anankiray fotsiny ihany no ilainy, ny ahitanareo an’io Kristy nomem-boninahitra io, izany no manao fahasamihafana iray. Ny tena fahatsapana, marina iray an’ny Tendrombohitra

Fiovan-tarehy dia manome voninahitra an'i Jesosy Kristy irery ihany. Tsy nanome voninahitra an'i Mosesy izany, tsy nanome voninahitra an'i Elia, tsy nanome voninahitra ny tenan'izy ireo, tsy nanome voninahitra na inona na inona hafa, fa nahita an'i Kristy nomem-boninahitra izy ireo. Ary ny mpino marina rehetra, dia izany no ao am-pony, ny hanome voninahitra an'i Jesosy Kristy. Izany no ezahany ho hitan'ny olona.

²⁴⁹ Tsy manao hoe, “Eny, raha tonga hikambana amin’ireo vondronay ianareo, raha tonga hanao an’ity na hanao an’itsy ianareo.” Oh, aza manao an’izany. Aza manao an’izany.

²⁵⁰ Jereo ny Tenin’Andriamanitra, dia Kristy, nankalazaina; ary tanteraho ny teny fikasan’ity andro ity, ao amin’ity ora lehibe an’ny fitsanganana ity. Mariho. Ary izany no manome fifaliana azy ireo, ny mahafantatra fa miaraka Aminy isika, nofon’ny Nofony, ary taolan’ny Taolany. Fifaliana iray toy ny inona! Izany no zavatra tokana izay mahaliana ny tena mpino iray.

²⁵¹ Tsy liana amin’ny anaram-piangonana iray izy ireo. Tsy liana amin’ny rafi-pandaminana iray izy ireo. Tsy liana amin’izay heverin’ireo vehivavy hafa izy ireo. Tsy miraharaha izy ireo. Tsia tokoa. Izy ireo tsy hanao an’ireo zavatra izay ireo... ataon’ireo vehivavy hafa. Izy ireo... Ireo lehilahy ireo dia tsy hanao an’ireo zavatra ireo. Tsy hijanona izy ireo ka hanao tahaka ny zazakely miaraka amin’ny rafi-pandaminana iray, mihazona mba tsy ho voaroaka, ary matahotra sao tsy hahazo ny tapakilan-tsakafo iray izy ireo. Tsy liana amin’ireo zavatra ireo izy ireo. Fahadalana izany amin’izy ireo.

²⁵² Tokana ihany ny fanirian’ny fo, izany dia, ny hahita an'i Jesosy Kristy omem-boninahitra. Tsy maintsy araka an'Andriamanitra ny fitondran-tenan'izy ireo. Tsy maintsy tanteraka mihitsy, tsy misy na inona na inona hafa, afa-tsy ny voninahitr'i Jesosy Kristy. Ary inona Jesosy? Ny Teny. Marina ve izany? Ankehitriny, mariho, ary mahita ny Fanaony iray ihany voamarina, manaporofy ny Fitsanganany. Ankehitriny inona izany? Mahita ny fainanareo, amin’ny alalan’Ny Teniny nampanantenaina izay Nolazainy hoe, “Izy no tsy miova omaly, anio, ary mandrakizay,” manaporofy fa mbola velona Izy.

²⁵³ Tsy ahoako na mikatona amiko aza ny varavarana rehetra ao amin’ny firenena. Izany, izaho dia... Araka ny nolazaiko, enina amby dimampolo taona aho, indray andro. Mety hanjavona aho. Ao amin’ny taonan’ny aretim-po aho. Ao amin’ity taona hafa rehetra ity aho, sy ny zavatra hafa rehetra. Eny, inona no fahasamihafana? Tsy nanao fahasamihafana ho ahy izany fony aho ankizy iray. Tsy manao fahasamihafana mihitsy izany ankehitriny, amin’ny firy no antsoina ny nomeraoko, ka esorina eo amin'ilay talantalana ny karatro. Tsy ahoako raha fantatr'izy ireo fa mba velona teto an-tany aho. Tsy manao fahasamihafana

ho ahy izany. Tsy mila manana tsangambato goavana sy tranobe goavana izy ireo mba hilazana fa teto an-tany aho.

²⁵⁴ Ny zavatra tokana tiako ho fantatr'izy ireo fotsiny, dia ny mahafantatra fa "Jesosy Kristy no tsy miova omaly, anio, ary mandrakizay." Ary mihazona ny Didim-pananany tsy azo lavina aho ato am-poko. Ary fantattro fa indray andro any... Na dia, mety maty an-drano ao anatin'ny ranomasina aho. Mety vonoina any Afrika aho. Tsy fantattro izay hitranga amiko. Fa zavatra anankiray no fantattro, dia mihazona an'ilay didim-pananana tsy azo lavina aho. Haleloia! Afaka mikatona ny varavarana rehetra. Tsy manao fahasamihafana izany amiko na kely aza. Tsy miezaka manome voninahitra lehilahy iray aho na rafipandaminana iray, na ny tenako, na ny iray amin'ireo vondrona, na inona na inona hafa. Tiako ny olona hahita fa nitsangana tamin'ny maty Jesosy Kristy, ary velona Ny Fanahiny. "Izy no tsy miova omaly, anio, ary mandrakizay."

²⁵⁵ Tsy mahagaga, raha hoy Jesosy hoe, "Aza matahotra. Izaho no Ilay efa maty, fa velona mandrakizay Aho."

²⁵⁶ "Satria ankehitriny isika dia Navotany, ary mitsangana miaraka Amisy, ary ankehitriny dia (tsy hoe ho) mipetraka ao amin'ireo toeran-Danitra ao Amisy." Ankehitriny, rehefa manana an'io Fanahy io ao anatinitsika isika, ilay didim-pananana tsy azo lavina, dia izany no maneho fa voafafa ny fisalasalana rehetra. Inona? Velona Kristy. Tsy *izaho* no velona; tsy *izaho*. "Kristy no velona ato anatiko." Tsy *ianareo* no velona, fa Kristy no velona ao anatinareo; satria Ny Teniny velona no velona ao anatinareo, maneho fa ny kaontin-kevitra rehetra anareo Metodista rehetra, sy Batista, ary Pentekotista, ny zavatra hafa rehetra, dia voafafa. Ary Jesosy Kristy...

²⁵⁷ Tahaka ny teo amin'ny Tendrombohitra Fiovan-tarehy, ireo mpaminany sy ny zavatra hafa rehetra dia tapitra. Ireo andro rehetra an'ny Loterana, ny Metodista, ny Presbyterana, mety tsara izy ireo, saingy, "Ity No Zanako malalako. Izy no henoy," ilay Teny ho an'izao ora izao, ilay oran'ireo Tombokase. Rehefa, ireo zava-miafina rehetra tany aoriana tany, izay nafenina nandritr'ireo taona rehetra ireo, ary izy ireo dia... Voafafa ilay pyramida lehiben'ny fotoana, ilay vatotendro, manao azy ho voavoatra mba hipetrahan'ilay Kintan'i Davida eo amin'ny Toerany. Ary ilay Fianganan'Andriamanitra velona lehibe dia hitsangana tahaka ny elatry ny voromahery, entina mankany amin'ny Voninahitra. Eny.

²⁵⁸ Ao anatin'ny ankehitriny, ao anatin'ny ankehitriny, ao anatin'ireo vatantsika: miaraka amin'ny fitenenana amin'ny fiteny vaovao; miaraka amin'ny faminaniana, sy ny fahitana mialoha; fametrahan-tànana eo amin'ny marary, ary sitrana ireny; ilay izao tontolo izao, maty, ary ireo zavatr'izao tontolo izao rehetra. Efa tafafindra avy tamin'ny fahafatesana ho

amin'ny Fiainana isika, ary mihazona an'ilay hery isika ankehitriny. Haleloia!

Amin'io marainan'ny fitsanganana io,
Rehefa ho tapahana ireo tombokasen'ny
fahafatesana,
Dia hitsangana isika, (Haleloia!) hitsangana isika.
(Amena!)

²⁵⁹ Tsy hisy devoly ao amin'ny helo ampy hisakana antsika hanao an'izany. Voatendrin'Andriamanitra mialoha ho an'ity ora ity isika. Maneho ny Tenany amin'ny alàlantsika mihitsy ny Tenin'Andriamanitra. Ary miaina ao amin'ny Fanatrehan'Andriamanitra isika, amin'ny alàlan'ny Tenin'ny teny fikasan'Andriamanitra. Tsy misy devoly iray ao amin'ny helo afaka hisakana antsika hitsangana. Tsy misy varavarana iray azony hakatona eo anatrehako, amin'io maraina io. Efa tapaka ireo tombokase. Haleloia!

²⁶⁰ Afaka aho. Voromahery iray aho. Tsy ao anatin'ny tranomborona iray aho, fa afaka. Nitsangana tamin'ny maty aho, mankao amin'ny Fiainana vaovao an'i Jesosy Kristy. Tsy izaho irery ihany, fa ny lehilahy tsirairay, vehivavy, zazalahy na zazavavy mipetraka eto, izay efa nofenoina niditra tao amin'io Fanahin'Andriamanitra io, dia olom-baovao iray ao amin'i Kristy. Ary voromahery iray ianareo.

²⁶¹ Velona isika, androany, ary mankasitraka ny fitsanganana mandrakizay. Satria velona Izy, isika dia velona, ihany koa. Ary miaina ao amintsika Izy, manao antsika ho velona. Ary ny Fanahy izay nanangana Azy tamin'ny maty, izay mitoetra ao anatin'ny tenantsika, no hamelombelona ny vatantsika mety maty, amin'io Paska Mandrakizay lehibe io. Voninahitra ho an'Andriamanitra!

²⁶² Oh, alaivo izao tontolo izao, alaivo ny zavatra rehetra izay tianareo alaina, fa omeo ahy Jesosy. Amena. Tiako Izy. Izy no izao tontolo rehetra izao, amiko.

²⁶³ Ary satria Ampahany ianareo, dia ampanahareo aho, ary ianareo ampahako. Ary, miaraka, dia Ampahany isika.

²⁶⁴ Oh, ry Kristiana, fanararaotra iray toy ny inona no ananantsika! Manana an'ireo fanararaotra izay tsynofisin'i Masindahy Paoly ho azo mihitsy isika. Manana an'ireo fanararaotra izay tsy nananan'i Enoka, sy Elia, ary izy rehetra ireo mihitsy isika. Ireo fanararaotra izay ananantsika ankehitriny!

²⁶⁵ Ary misy ondry kely anankiray any ivelany any ho any, ka tsy ho afa-po Izy raha tsy miditra ao anatin'ny vala io anankiray io. Amin'ny fanampian'Andriamanitra, ary amin'ny alàlan'ny fahitana iray, sy ny HOY NY TOMPO HOE, dia hiverina hiampita ny ranomasina aho. Mety ho mainty anankiray io ondry kely farany io any, arak'izay rehetra fantatro, any amin'izay tsy

iheveran'izy ireo akory aza fa manana fanahy iray izy ireo. Fa hafa no fantatr'Andriamanitra. Hitady aho hatramin'ny andro faran'ny fiainako, mba hahita an'io anankiray io, na aiza na aiza misy azy.

²⁶⁶ Manantena aho fa tsy nanafintohina ny iray tamin'ireo rahalahiko aho tamin'ny filazana an'ireo zavatra masiaka ireo. Izaho... Tsy hoe tsy tiako handeha any am-piagonana ianareo. Azo antoka, tiako ianareo handeha any am-piagonana. Mandehana any am-piagonana na aiza na aiza alehanareo. Fa aza mamela an'izany ho fanantenanareo fotsiny, manao hoe, "Eny, izaho mikambana amin'ity, na izaho mikambana amin'itsy." Oh, rahalahy, ranabavy, mikambàna amin'i Kristy. Mandehana mankany am-piagonana, saingy mikambàna amin'i Kristy. Amena.

²⁶⁷ Avelao io—avelao io ampahany io, raha tsy ao anatinareo izany, hamelombelona anareo ho amin'ny Fiainana izao ankehitriny izao. Tsy handray an'Izany fotsiny ve ianareo ankehitriny?

²⁶⁸ Feno an'Izany ity efitra ity. Mahatsapa an'Izany manarona ahy tanteraka aho. Fantatro fa eto Izany, ilay herin'Andriamanitra, ilay Mpahita fahitana lehibe, ilay Mpiteny mialoha lehibe izay afaka miteny an'ireo zavatra ka tsy diso mihitsy izany, ilay Anankiray lehibe izay afaka miteny ka tsy misy olona afaka hilaza an'izany hoe "tsia," Lehilahy iray izay afaka manokatra ka tsy misy olona afaka manidy. Izy izay efa maty dia velona ankehitriny, ary velona, androany, eto Phoenix, mandeha eo anivon'ireo voninkazo vao teraka.

²⁶⁹ Tsy mahagaga, tamin'io marainan'i Paska io dia nипetraka teo amin'ny takolaky ny lisy tsirairay sy ny raozy tsirairay ireo teten-dranomaso kelin'ny ando. Nahoana? Fantany fa nakarina avy tao amin'ny tany izy, ary nisy voninkazo Mandrakizay iray namony tany ho any. Haka ny toerany izy indray andro any. Marina izany.

²⁷⁰ Tsy mahagaga, raha ranomasom-pifaliana no afaka mikoriana eo amin'ireo takolantsika. Tsy mahagaga, raha mangovitra sy mihorohoro ny fontsika rehefa afaka mahatsapa an'io herin'ny fanovàna iray io ihany isika tonga ao amin'ny fiainantsika ary mameno antsika, mba hamela antsika hiteny amin'ny fiteny iray izay avy any An-danitra mihitsy aza.

²⁷¹ Tena novelombelolina nakarina tamin'Ny Fanatrehany isika eo, maminany, mahita mialoha, miteny mialoha, ka ny zavatra rehetra dia mifanarakaka tanteraka amin'ny Teny. Raha maminany manohitra an'Ity ilay izy, dia aza mino an'izany. Fa raha araka ny Teny ilay izy, dia efa voalaza Izany, HOY NY TOMPO HOE.

²⁷² "Aza matahotra. Izaho no Ilay efa maty, fa velona mandrakizay." Izany no tombokasen'ny Paska an'Andriamanitra

izay manisy tombokase ny litera tsirairay an'ity Teny ity ao am-ponareo. Inona ny tombokase? "Ianareo no epistily, vakian'ny olona rehetra." Fantatrareo izany. Fa rehefa nitaky anareo Andriamanitra, dia nanisy tombokase anareo tamin'ny tombokasen'ny Paska Izzy, hoe mitsangana miaraka amin'i Kristy ianareo, ary olom-baovao iray.

²⁷³ Raha tsy mbola voaisy tombokase ianareo izao maraina izao, dia ataovy izany raha manondrika ny lohantsika isika.

²⁷⁴ [Manomboka miteny amin'ny fiteny hafa ny rahalahy iray. Elanelana tsy voaraki-peo—Mpand.]... Tompo. Henonareo ve izany?

²⁷⁵ Eritrereto ankehitriny, miaraka amin'ny lohanareo miondrika. Romana 8:11, "Raha ilay Fanahy izay nanangana an'i Kristy tamin'ny maty no ao anatinareo, dia Izany koa no hamelombelona ny vatanareo mety maty."

²⁷⁶ Inona no azontsika antenaina, ry olona? Inona no tavela? Jereo i Formose sy izao tontolo rehetra izao. Ary ireo bala atomika sy ny zavatra hafa rehetra vonona ny hamely an'izao tontolo izao mihitsy, ary tena mikorontan-tsaina, sy matahotra, ary mihiakiaka. Ary ireo sarimihetsika fampihomehezana izay miseho, eo, miteny an'ireo karazana vazivazy rehetra, tahaka ny zazalahy kely iray nandalo teo amin'ny tokon-tanim-pasana, nisioka tamin'ny alina, niezaka mba hanao ny olona hino fa mety tsara ny zavatra rehetra. Aoka tsy ho voafitaka ianareo. Antomotra ny Fihavian'ny Tompo.

²⁷⁷ Voamarikareo, indray andro, tonga ny mpanjono iray ka niteny tamiko, nipetraka tany tao amin'ilay helodrano, tany, karazana toerana mikitaontaona iray na zavatra iray hafa tany. Ary ahoana, fa, taloha ela be dia nanozongozona ny horohorontany tany Grèce, ny trondro rehetra izay mazàna mihinana eo amin'io oran'ny maraina io, dia tsy nihinana. Inona izany? Tsy teny amin'ny ambony izy ireo. Ny fotoana faharoa nitrangan'izany, dia ilay zavatra iray ihany no niseho. Fantany teo no ho eo fa hisy zavatra hitranga. Tsy nihinana ireo trondro ireo tamin'io fotoana io.

²⁷⁸ Ary ireo voron-dranomasina rehetra izay mivelona amin'ny trondro, dia nijanona tsy nihinana izy ireo. Amin'io maraina aloha be io, amin'izany izy ireo no mihinana. Nipetraka teo amin'ny morona fotosiny izy ireo, niala lavitra an'ireo harambato sy ny sis. Satria, tao anatin'ny minitra vitsy, dia nanomboka nangotrangotraka avy tao amin'ny tany ireo lomo-dranomasina, avy tao amin'ny fanambanin'ny ranomasina. Hitanareo? Fantatr'ireo trondro ireo ilay izy talohan'ny nitrangany.

²⁷⁹ Nandeha tany Inde, namaky an'ilay gazety aho, nanao hoe, "Tsy maintsy nifarana ny horohorontany." Nandritr'ireo andro, dia tsy niverina nankao amin'ny akaniny tao anaty vato ireo vorona kely. Ny biby fiompy tsy nijanona nanodidina an'ireo

fialofana teo ambanin'ny...tao amin'ny alokaloka, tamin'ny hafanan'ny andro. Nitsangana tany ivelany teo afovoan'ny saha fotsiny ny ondry, nifampiankina. Tsy nanatona an'ireo vato ireo izy ireo, roa na telo andro talohan'ny nitrangan'ilay horohorontany.

²⁸⁰ Nahoana? Fantatr'ireo ondry ireo ilay izy. Fantany fa hisy zavatra hitranga. Fantatr'ireo vorona ireo fa hisy zavatra hitranga. Fantatr'ireo voron-dranomasina ireo fa hisy zavatra hitranga. Fantatr'ireo trondro ireo fa hisy zavatra hitranga. Izany ilay Andriamanitra iray ihany izay nitarika an'ireo biby ireo nankao anatin'ny sambofiara.

²⁸¹ Tsy afaka mahita ve ianareo, ry olona feno ny Fanahy, fa misy zavatra vonona hitranga? Aza miandry *zavatra* goavana be iray maneran-tany handalo; tsy misy afa-tsy ny Fihavian'ny Tompo Jesosy. Tsarovy, tsarovy fotsiny ireo Teny sy ny teny fikasan'ny Tompo.

²⁸² Tsy hiditra haingana mihitsy ve ianareo? Mialà lavitra an'ireo rindrina goavana ireo. Antomotra akaiky ny fitsanganana ankehitriny. Raha misy olona iray eto izay tsy mahafantatra fa handeha ao amin'io fitsanganana io izy ireo, ary tsy manana antoka fa manana an'io herin'ny fitsanganana io mijanona ao anatin'izy ireo!

²⁸³ Na dia mandrava an'izany aza ireo kankan'ny hoditra, na dia mipoaka eo afovoanareo mihitsy aza ny baomba atomika iray, dia tsy haharava an'io herin'ny fitsanganana, mamelombelona io mihitsy izany. Tsia, tsia. Ranabavy, rahalahy, mipetraka eo amin'ny Bokin'ny Fiainan'ny Zanak'ondry ny anaranareo sarobidy any ambony any. Tsy misy olona afaka hikosoka an'izany. Tsy misy gaoma fikosehana ampy, eto amin'izao tontolo izao, hikosoka ny anaranareo hiala amin'ilay Boky Any izay Ny Ràny no nividy an'izany.

²⁸⁴ Raha tsy manana antoka an'izany ianareo, aza—aza manao kisendrasendra eo amin'izany ankehitriny. Hitanareo? Afaka manao kisendrasendra amin'ny fihoarana fefy iray any ho any ianareo nefá tsy maty, fa tsy hohoatra an'ity fefy ity ianareo. Tsia, tsia. Handoa an'izany ianareo. Tsy voatery ianareo. Misy jiro mena iray mipiapiaka ankehitriny. Dingano, dingano ireo hevitrareo manokana, dingano ireo zavatr'izao tontolo izao.

²⁸⁵ Avia. Ndao isika hiaraka hatsangana ao amin'ity fotoan'ny Paska lehibe ity, ilay fankalazana lehibe an'ny Paska. Afaka mankalaza an'izany ao am-ponareo ve ianareo amin'ity herinandro ity? Raha tsy afaka ianareo, dia hanangana ny tànanareo amin'Andriamanitra fotsiny ve ianareo?

²⁸⁶ Manaova hoe, “Andriamanitra, tsy manana antoka ny amin'izany aho. Tsy fantatro na afaka hanao an'izany rehetra izany mihitsy aho na tsia. Hanampy ahy ve Ianao? Hanangana ny tànako Aminao aho, Tompo. Ampio aho.” Andriamanitra

hitahy anao. Andriamanitra hitahy anao. Tsara izany. "Izaho—izaho—mila Anao aho, Tompo. Ampio aho. Izaho—izaho mila—mila hatsangana aho. Izaho—mila hatsangana aho. Mila manana an'ireo ampahany aho izao ankehitriny izao. Mila mahafantatra aho fa milamina izany. Mila mahafantatra aho fa milamina izany, Tompo. Fantattro, tsy afaka manao faha—..." Tsy te-hanao fahadisoana ianareo arak'izany. Izany tsy ho... ho tara loatra izany. Izao no andro. Oadray! Izao no andro. Aza miandry.

²⁸⁷ Vao tsy ela akory izay, nitory teny aho. Nisy lehilahy mainity hoditra iray tonga tany teny amin'ny faran'ilay tranobe, nihaona tamiko. Nilaza, hoy izy, "Reverà, te-hiteny aminao aho. Milaza aho fa marina ny anao." Hoy izy hoe, "Efa niteny tamin'ny Tompo aho, efa ela izay, fa mila ny tapakilako eto an-tànako aho amin'io maraina io. Tiako ny hahafantatra fa voaisy marika tsara izany." Hoy izy, "Hisy olana betsaka any eo amin'ilay renirano." Hoy izy, "Izaho—izaho—ho tonga aho, eo amin'io renirano io." Hoy izy hoe, "Izaho—tsy mila olana aho any. Tiako ny hanao an'izany rehetra izany hahitsy eto mihitsy." Marina izany.

²⁸⁸ Manana ny visà-nareo ve ianareo? Raha tsy manana ny visà-nareo ianareo... Mety manana pasipaoro iray ianareo, saingy, raha tsy manana ny visà-nareo ianareo, dia tsy afaka miditra ao amin'ilay Tany. Fantatrareo izany. Efa nataonareo vonona ve ny zavatra rehetra? Raha tsy izany, dia izao ankehitriny izao no fotoana anaovana an'izany.

²⁸⁹ Aza matahotra, raha matahotra kely fotsiny ianareo. Ankehitriny, nisy teo amin'ny tânana zato teo angamba no nitsangana tato. Noho izany raha natahotra kely fotsiny ianareo, dia ndao halamintsika fotsiny izany ankehitriny.

²⁹⁰ Ankehitriny, fantattro fa manana fanao samihafa isika. Hoy ny lehilahy sasany hoe, "Manatôna, avelao aho handray ny tânanareo." Hoy ny hafa hoe, "Manatôna, mandoheha eto amin'ny alitara." Ankehitriny, tsara izy ireny. Izaho tsy manana teny anankiray ho lazaina hanohitra an'izany, mihitsy, tsy misy zavatra iray, ny zavatra rehetra izay holazain'izy ireo.

²⁹¹ Fa mamelà ahy hiteny aminareo fotsiny ny fanaoko. "Izay rehetra nino, izay rehetra..." Tsy hanao anareo hino ny fanatonana ny alitara. Tsy hanao anareo hino ny fandraisan-tânana an'ilay mpitoriteny. Fa raha nantsoin'Andriamanitra ianareo, dia voromahery iray, eo am-panombohana, hiakiaka iray fotsiny no miteny aminareo. Hino ianareo. Raha hino an'izany marina tokoa ianareo, dia hivavaka miaraka aminareo aho.

²⁹² Azonareo eritreretina ve io voromahery kely io fa hijanona ela ao anatin'io tranom-biby io? Tsia, tsia. Hah-ah. Tsia. Aza mijanona ela eto, ry sakaiza. Ndao isika—ndao isika hakarina ankehitriny. Eto ny fahasoavan'Andriamanitra hanao an'izany.

²⁹³ Ray any An-danitra, fantatray fa manatona mankany amin'ilay oran'ny famaranana izahay. Efa ela loatra no naha-teto anay ankehitriny. Tsy nohon'ny taonanay, fa nohon'ny fotoana. Mino izahay fa misy olona tanora maro mipetraka eto, izay ho velona rehefa mitranga izany. Mety hitranga androany anefa izany. Tsy fantatray ny minitra na ny ora. Fa, Tompo, Ianao no niteny taminay hoe, “Rehefa hitanareo miseho ireo zavatra ireo,” ary efa niseho nandritry ny ela izy ireo ankehitriny.

²⁹⁴ Fantatray fa lasa lavitra izahay, arak'ireo siantifika. Enina, fito taona lasa izay, no naha-teo amin'ny misasak'alina latsaka telo minitra anay. Tsy fantatray hoe ora firy izany, mitohy mipaipaika, saingy fantatray fa eo mihitsy izahay.

²⁹⁵ O Andriamanitra, ny manana an'io antoka io: ny mahita fa ny fonay dia manisy tsindrim-peo ny teny fikasan'Andriamanitra tsirairay amin'ny “amena,” ny mahita fa ilay Fanahy Izy tenany, izay tonga ao anatinay, no mamelombelona ny tenanay.

²⁹⁶ Andriamanitra, aoka hahita an'izany ireo rahalahiko, izao maraina izao. Aoka hahita an'izany ireo rahalahiko, hoe miditra io Fanahy io ka mamelombelona ny Teny. Aoka hahita an'ilay zavatra iray ihany ireo anabaviko, Tompo. Ary amin'izay fotoana izay, raha mahita zavatra izy ireo izay tsy hamela azy ireo ho velombelomin'io Teny io, O Andriamanitra, dia enga anie izy ireo hanala an'izany haingana mihitsy. Ekeo izany, Ray. Eo an-Tànanao ny rehetra ankehitriny. Fantatro fa tsy nahomby tamin'ny zavatra maro aho, ary manohy tsy mahomby, saingy, Tompo, efa nanao an'izay rehetra fantatro hanaovana azy aho. Ankehitriny dia eo an-Tànanao izany. Anao izy ireo. Amin'ny Anaran'i Jesosy, raiso izy ireo, Ray.

²⁹⁷ Ankehitriny ho anareo izay eto ary izay mila fanasitranana ho an'ny vatanareo. Misy mpino firy eto? Atsangano ny tanganareo. “Mpino aho, araka ny ahafantaroko ny foko.” Firy no manana? Fantatrareo ve, any ankoatry ny aloky ny fisalasalana, fa ao am-ponareo, izao ankehitriny izao, dia efa nitsangana tamin'ny maty ianareo? Fantatrareo ve? Oh, oadray! Inona no mety hitranga ao anatin'ny fivoriana iray tahaka an'ity arak'izany? Fantatro fa tara aho, saingy inona no mety hitranga izao ankehitriny izao? Eritrereto fotsiny izay mety hiseho. Mipetraka ao anatinareo mihitsy ireo ampahany. Hitanareo? Ianareo, niaraka tamin'ny tanganareo nitsangana, dia efa nanao toy ny-toy ny voady iray, tamin'Andriamanitra, hoe, “Fantatro fa nisy zavatra nitranga tamiko. Mety tsy eo amin'izay tena tokony hisy ahy mihitsy aho.”

²⁹⁸ Na izaho koa aza. Tsia, tompoko. Lavitra amin'izay tokony hisy ahy aho. Saingy ity zavatra anankiray ity no fantattro, efa tafafindra avy tamin'ny fahafatesana ho amin'ny Fiainana aho. Fantattro fa nisy zavatra nitranga tamiko. Maro... Tsy satria

lehilahy antitra iray ankehitriny, fa taona maro, maro lasa izay, no nitrangan'izany.

²⁹⁹ Ary fantattro, tamin'ilay andro izay nidiarako tao amin'io hopitaly io, rehefa nanana ny fihaiako lehibe aho. Nahita ny vadiko maty aho; niantso ny ainy aho. “Ary inona no nataoko afa-tsy nitsangana teo amin’ny zoron’ny lâlambe ka nitory teny, ary nivavaka ho an’ny marary?”

Ary hoy i Satana tamin’izay fotoana izay hoe, “Eny, tsy hamaly ny vavakao Izy.”

³⁰⁰ Nahita azy maty aho, saingy fantattro fa nisy herin’ny fitsanganana tao anatiny. Hitsangana indray ireo taolana ireo.

³⁰¹ Nahita ny zaza keliko nandry tany aho. Ary nametraka ny tânako, nanao hoe, “Andriamanitra, aza alaina izy.”

³⁰² Toy ny hoe nampidina an'ilay lamban'efitra Izy, nanao hoe, “Tsy hihaino anao intsony akory aza Aho.”

³⁰³ Hoy i Satana hoe, “Izay ilay izy. Teny anankiray fotsiny . . .” Nahafantatra tsaratsara kokoa izy noho ny hiteny tamiko hoe tsy misy Andriamanitra, satria fantattro izany. Fa nilaza izy fa tsy tia ahy Izy, tsy miraharaha ahy Izy. Hitanareo? Ny anton-javatra rehetra, nanao hoe, “Lehilahy tanora iray fotsiny ianao, mbola roapolo taona ianao. Io ny vadinao mandry ao anatin’ny tranom-paty iray eto io. Ary io ny zazakelinao eo am-pandehanana. Ary-ary izao fotsiny . . . ianao no nilaza fa Mpanasitrana lehibe Izy, ary Izy *ity* rehetra ity. Nefa, jereo, inona no Ataony? Teny anankiray, tsy mila hiteny an’izany akory aza Izy, mijery eo fotsiny dia milaza. Manetsika ny Lohany fotsiny, izay ihany no hiseho, dia ho sitrana izy. Saingy, hitanao, tsy tia anao Izy. Tsy miraharaha anao Izy. Mamela ny zazakelinao ho maty eo mihitsy ankehitriny, ary mandà mihitsy aza ny hihaino ny vavakao ao amin’izao ora maizina izao.”

³⁰⁴ Ny zavatra rehetra nolazainy dia ny fahamarinana tanteraka tokoa. “Noho izany dia inona no nataonao? Miasa mandritry ny andro manontolo, hany ka zara ianao raha afaka nitsangana. Ary avy eo dia mipetraka mandritry ny alina manontolo, hatramin’ny roa ambin’ny folo sy amin’ny iray ora. Nitsangana teny amin’ireo zoron’ny lâlambe, nitory teny. Miantso any amin’ny hopitaly. Miditra fotsiny ka mipetraka, eo amin’ny sezà iray, mipetraka eo ka matory adiny iray na roa, dia miverina miasa indray. Ny ampitso hariva, dia ilay zavatra iray ihany. Ary indro eto ianao, eo amin’ny iraika amby roapolo, roa amby roapolo taona. Ny sakaiza rehetra, ny ramatoa tanora rehetra, ny lehilahy tanora rehetra izay niarahanao niasa, dia nanao anao hoe adala masiaka iray. Inona no nataonao? Nanao ny tenanao ho adala iray ianao. Tsy hitanao ve izany?” Saika vonona ny hifanaraka taminy mihitsy aho.

³⁰⁵ Fa nisy Zavatra tao anatiko tao, io hery mamelembelona io izany. Hoy aho hoe “Ny Tompo no nanome, ary ny Tompo no naka. Isaorana anie ny Anaran’ny Tompo.”

Rehefa levona ireo fanantenako rehetra,
Amin’izay fotoana izay dia Izzy no fanantenako sy
tohako rehetra.

Satria eo amin’i Kristy, ilay . . .
[Elanelana tsy voaraki-peo—Mpand.] . . . fasika
miletsty.

Oh, ho avy miaraka amin’ny feon’ny fandresena
Izzy,
Koa enga anie aho amin’izay fotoana izay ho—ho
hita ao Aminy,
Mitafy ny akanjon’ny Fahamarinany.

³⁰⁶ Tsy ao amin’ny ahy manokana; tsy manana aho. Ny ahy dia vorodamba feno loto, maloto. Ho halako ny hiezaka handeha any An-danitra nohon’ny toriteniko. Halako ny hiezaka handeha any An-danitra noho ireo fahitako. Handeha any An-danitra aho satria mihazona ny Fahasoavany ato am-poko. Ny Fahasoavany, izany no antony handehanako. Tahaka an’izany no andehanantsika.

³⁰⁷ Oh, ry sakaiza, ampanhan’io Vatana io ianareo. Zanaka kelin’Andriamanitra ianareo. Ankehitriny, milaza an’izany aho mba hanorina ny fanantenanareo. Raha nahita ianareo . . .

³⁰⁸ Raha nahita fitia taminareo aho, niteny ny Fahamarinana taminareo . . . Ary izay noteneniko taminareo, dia—dia izay nolazain’ilay mpaminany, taona maro lasa. Tsy manao ny tenako ho Mpaminaniny. Tsia, tompoko. Fa miteny aminareo ny Fahamarinana aho. Efa mba nilaza zavatra iray ve Izzy ka tsy marina? Efa nahafantatra anareo nandrity ny roapolo taona mahery aho ankehitriny, eto Phoenix, hatramin’ilay hira hoe, *Ho Tiako Ny Hiresaka An’Izany Aminy Indray*, tany amin’ny fiangonan-dRahalahy Outlaw, mino aho fa izay ilay izy, ary Rahalahy Garcia. Efa mba niteny zavatra iray taminareo tamin’ny Anaran’ny Tompo ve aho ka tsy nitranga?

³⁰⁹ Tsarovy, fanantenana iray ihany no misy. Manàna an’io hery mamelembelona io. Izany no hihazona anareo. Rehefa levona ny zavatra hafa rehetra, dia Izany no hihazona anareo.

³¹⁰ Hoy ny sasany tamin’izy ireo hoe, “Mitahiry ny fivavahanao ve ianao, Rahalahy Branham?”

Hoy aho hoe, “Tsia. Izany no nitahiry ahy.”

³¹¹ Izany no mitahiry ahy. Tsy izaho no mitahiry azy. Ilay izy tsy hoe mihazona aho, na tsia. Ilay izy dia na Izzy no nihazona, na tsia. Izzy no nihazona ho ahy.

³¹² Tsy voatery Izzy. Nipetraka tao anaty hazo tsirairay ireo Anjely, nanao hoe, “Sintony hivotsotra fotsiny ireo rantsan-

tànanao. Manondrò fotsiny; tsy mila manala azy avy eo amin'ny hazo fijaliana ianao. Manondrò fotsiny amin'ny rantsantànanao, dia diniho hoe inona.” Hitanareo, io andiana maneso io. Fa raha nanao an’izany Izzy, dia tsy afaka nanana an’izany fijoroana vavolombelona izany aho androany; tsy afaka nanana an’izany ianareo. Fa satria nianona teo amin’ny hazo fijaliana Izzy, maty teo Izzy, dia izany no antony ihazonako miaraka Aminy.

Eo amin’i Kristy, ilay Vatolampy mafy, no ijoroako;
Ny tany hafa rehetra dia fasika miletsy.

³¹³ Ankehitriny, raha marary ianareo, dia hifametra-tànanana ve ianareo. Ndao isika hivavaka. Apetraho eo amin’ny olona iray eo akaikinareo fotsiny ny tànanareo. Tsy mampaninona izay tsy mety aminareo, manàna finoana ankehitriny. Raha mba niteny ny Fahamarinana taminareo aho, dia miteny aminareo aho ankehitriny. Hitanareo? Hoy Jesosy hoe, “Izao famantarana izao no hanaraka an’ireo izay mino.” Ary mpino ianareo, vao avy nanangana ny tànanareo ianareo. Aza misalasala. Misy olona iray mahattra mijaly izay ametrahanareo ny tànanareo. Misy olona iray mametraka ny tànanany eo aminareo.

³¹⁴ Tsarovy io hery mamelembelona io, io hery izay nanangana an’i Jesosy avy tao am-pasana io. Ankehitriny dia manana finoana an’izay anananareo ao amin’ny—ao amin’ny vatanareo manokana ianareo. Izany no hanampy an’io olona izay ametrahanareo ny tànanareo io. “Raha Izany no mitoetra ao anatinareo, dia Izany ihany koa no hamelombelona ny vatanareo mety maty.”

³¹⁵ Andriamanitra malala, raha mitsangana eto aho izao maraina izao, manatona ny oran’ny mitataovovonana, izay saiky izao no oran’ilay andro izay niantsoantsoan’i Jesosy hoe, “Ry Andriamanitro, Ry Andriamanitro, nahoana no nahafoy Ahy Ianao? Mangetaheta Aho.” Tsy mahagaga, raha nhaita an’izany mialoha ilay mpaminany, ka nanao hoe, “Ny Taolako rehetra, mibanjina Ahy izy ireo. Notsindronin’izy ireo ny Tànako sy ny Tongotro.” “Fa natao ho isan’ny mpanota Izzy. Fa Izzy dia voalefona nohon’ny fahotantsika. Notorotoroina nohon’ny helotsika Izzy. Ny famaizana ho an’ny fiadanantsika dia teo Aminy, ary ireo Dian-kapony no nahasitranana antsika.” Mitaky an’izany izahay, izao maraina izao, Andriamanitra. Mitaky an’izany izahay.

³¹⁶ Amin’ny marainan’ity fitsanganana ity, dia mahamarika, an’izany Fahamarinana voamarina izay noteneniko izany, Tompo, avy amin’Ny Teninao, tao amin’ny Fanatrehan’Andriamanitra. Izzy no Mpitsara, ary izahay no vavolombelona fa nanavotra anay Izzy. Ary mipetraka ao anatinay, nohon’ny fahasoavan’Andriamanitra, io herin’ny fitsanganana io. Ary marary ireo sakaizanay, ilay anankiray izay ametrahan-tànanana.

³¹⁷ O Andriamanitra, mihika ny devoly izahay, eo afovoan'ny finoanay izao maraina izao, miaraka amin'ny tànana eo amin'ny olona, ary izaho miaraka amin'ny tànako mitsotra mankany amin'ny olona. Aoka ny aretina rehetra, ny fahoriana rehetra izay miezaka mihazona ny olona, ao amin'ny fanatrehan'ity Fahamarinana voamarina ity, hivoaka. Amin'ny Anaran'i Jesosy Kristy, enga anie ho afaka ireto olona ireto androany. Fa, ny Baiboly, hoy ireo Tenin'ny Andriamanitray hoe, "Raha mametraka ny tànany eo amin'ny marary izy ireo, dia ho sitrana ireny." Ary efa nitsangana teny amin'ny habakabaka ny tànanay, nankany Aminao, Andriamanitra.

³¹⁸ Tahaka ny isotroan'ny zava-maniry rehetra an'ny tany eo amin'ny Loharanonao, ary azo antoka tahaka an'io zava-maniry io, izay lonaka, izay misotro avy amin'ny Loharanonao, dia manomboka miforona izy. Manomboka maniry izy. Ilay tahn-katsaka, ilay voninkazo, na inona na inona misotro eo amin'ny Loharanonao, dia mitombo mankany Aminao.

³¹⁹ Ary izao maraina izao, dia nitombo izahay, inches, Tompo. Afaka manakatra avoavo kokoa izahay. Misotro eo amin'ny Loharanonao izahay. Zava-boaharinao izahay, miaraka amin'ny herin'ny fitsangana ao anatinay, Tompo. Ary mivavaka izahay mba Hihainoanao ny vavakay ho an'ireo rahalahinay sy anabavinay. Ka enga anie ny fahoriana rehetra, izay misakana an'ireto olona malala eto ireto izay manana an'io hery io, Tompo, hamotsotra azy ireo, mba ahafahan'izy ireo manompo an'Andriamanitra. Dia ho tsara izany, Tompo. Amin'ny Anaran'i Jesosy Kristy. Amena.

³²⁰ Mino Azy ve ianareo? Hamela zavatra tahaka an'izao ve? Ahoana no ahafahanareo manao an'izany? Ianareo fotsiny dia tokony, toy ny hoe, misintona ny tenanareo. Mahatsapa tahaka an'izany ve ianareo? Izaho—izaho—izaho... Mety ho izaho fotsiny ilay izy, hoe izaho no... Fa manana fihetseham-po iray aho, fihetseham-po hafahafa iray rehefa tonga eo anivon'ny olona, izay ipetrahanareo miaraka tahaka an'izao. Fantatro, any ho any, tsy hita maso eto; tahaka ny radio fotsiny, televiziona, na inona na inona ilay izy, mandalo amin'ity efitra ity; ato amin'ity efitra ity Kristy. Eritrereto fotsiny, ny Mpanavotra antsika! Tony, eto Izy. Amena.

³²¹ Ary iza no afaka ny ho sambatra kokoa noho ny olona izay manana, miaraka amin'ny porofo ara-Baiboly an'ny Tenin'Andriamanitra tsirairay efa tonga voaseho, mahita hatramin'ireo Anjely sy Ny Vatany mihitsy aza, tahaka ny nahitan'izy ireo nanerana an'ireo—ireo taona! Ary eto, ny Tenin'ireo mpahita, voateny mialoha ka mitranga marina tokoa izany. Ary eto isika eo ankafoky Ny Fihaviany. Oh, fotoana iray mahafinaritra toy ny inona!

³²² Hahita Azy isika. Indray andro any, ho eto Izy. Mandra-Pihaviny, dia hivavaka ho ahy ve ianareo? [Hoy ny fiangonana hoe, "Amena."—Mpand.] Manana loza mampidi-doza aho eo anoloako. Fantattro izany. Hitanareo? Ary mihaona amin'ireo mpanompo sampy aho izay hitifitra anareo, mitovy amin'ny misotro rano iray, ka handoa an'izany mihitsy ianareo. Tonga eo amin'ny tanin'izy ireo ianareo, ireo devoly izay hihaika anareo eo amin'ny Baiboly, tena mora fotsiny. Fa tsy nahita fotoana iray mihitsy aho izay tsy nahazoan'Andriamanitsika ny fandresena. Mandeha amin'Ny Anarany aho, amin'ny Anaran'i Jesosy Kristy Tompo, ilay fanantenan'ny Fiainana Mandrakizay, ilay fananganana sy ny Fiainana. "Izay velona ka mino Ahy, na dia maty aza izy dia mbola ho velona. Ary na iza na iza velona ka mino Ahy dia tsy ho faty intsony." Mino an'izany ho Tenin'Andriamanitra Mandrakizay aho. Mino an'izany koa ve ianareo? ["Amena."] Hivavaka ho ahy ve ianareo? ["Amena."] Hivavaka ho anareo aho. Enga anie Andriamanitra hiambina antsika mandra-pihaonantsika indray.

³²³ Ankehitriny dia ndao isika hitsangana, vetivety fotsiny. (Manana zavatra tianao ho lazaina ve ianao?)

Ndao isika hanondrika ny lohantsika.

³²⁴ Tsy ho tsara ho antsika ny tsy hihira an'ity hira kely ity, sa tsy izany? Tsarovy ny hirantsika, *Tiako Izy*, izany ve no ao anatin'ny fo tsirairay? Ndao isika hihira an'izany fotsiny. Ranabavy, malala, ianao ve . . . Te-hilaza aho, izaho dia mankasitraka ny fitendrinao, ihany koa, ranabavy. Eny àry.

Tiako Izy, tiako Izy
Satria nitia ahy mialoha Izy
Ka nividy ny famonjeko
Teo amin'ny hazon'i Kalvary.

Ankehitriny dia hanova an'ilay hira isika.

Ny finoako miandranda Anao,
Ianao ry Zanak'ondrin'i Kalvary,
Mpamony Masina;
Ankehitriny henoy aho raha mivavaka,
Oh, esory ny heloko rehetra,
Oh, avelao aho manomboka amin'ity andro ity
Ho Anao manontolo!

³²⁵ Tsy manao zavatra aminareo ve izany? Firy no tia an'izany amin'ny tena fo . . . Izaho—izaho—tiako ireo hiran-jobily. Azo antoka, tia aho. Fa rehefa ao amin'ny fanahin'ny fanompoana ianareo, dia tsy tianareo ve ireo hira fiderana mamy fahiny? Mino aho fa ny Fanahy Masina no nihetsika teo amin'i Eddie Perronet sy izy ireo izay nanoratra an'ireo hira fahiny lehibe ireo. Tsy mino an'izany ve ianareo? Fanny Crosby, rehefa nanoratra izy hoe:

Aza mandalo ahy, ry, O ry Mpamony mora,
 Henoy ny antsoko tsotra;
 Rehefa eo amin'ny hafa Ianao no miantso,
 Aza mandalo ahy.

Ianao ilay Onin'ny fiononako rehetra,
 Mihoatra noho ny fiainana ho ahy,
 Iza no ho ahy eto an-tany ankoatra Anao?
 Na iza any An-danitra afa-tsy Ianao?

³²⁶ Tsy mahafinaritra ve izany? Izany no manao antsika te-hihira ny *Tiako Izy*. Sa tsy izany? Ankehitriny, raha mbola mihira isika amin'ity fotoana ity hoe, *Tiako Izy*, dia ndao isika... Mifankatia isika. Raha tsy mifankatia isika, amin'izay fotoana izay dia tsy afaka hitia Azy. Ndao fotsiny isika hifandray tànana ankehitriny. Mitsangàna fotsiny, ary maninjira tànana manerana ny latabatra fotsiny any ho any, mandraisa tànana, ny iray amin'ny iray hafa.

Izaho . . . (. . . ? . . .)
 Ka nividy ny famonjeko
 Teo amin'ny hazon'i Kalvary.

Ndao isika hanondrika ny lohantsika ankehitriny.

³²⁷ Hangataka an-dRahalahy Williams aho, Rahalahy Williams tanora, ho avy eto vetivety fotsiny. Hangataka azy aho raha hampirava an'ity mpanatrika ity amin'ny vavaka izy.

³²⁸ Tiako Rahalahy Williams, Kristiana tanora iray, izay heveriko fa mpanompon'i Kristy iray marina tokoa, ny fianakaviany kely. Manana fiombonana betsaka amin'izy ireo aho. Ary ireo zazalahy Moseley sarobidy ireo sy izy rehetra ireo, efa niaraka izahay, ary ny maro be amin'ireo sakaza malalako eto Phoenix, izay tiako amin'ny foko rehetra. Mieritreritra aho, ilay maraina tao amin'io fahitana io, hoy Izy hoe, "Izay rehetra hany tianao, sy izay rehetra tia anao, dia nomen'Andriamanitra anao."

³²⁹ Mino aho fa misy olona iray eto mibebaka ny amin'ny fahotany, eto amin'ny gorodona, ramatoa tanora iray mitomany.

Ndao isika hanondrika ny lohantsika vetivety ho azy.

³³⁰ Andriamanitra malala, io ve ilay ondry farany izay tavela eto Phoenix? Tsy fantatro, Andriamanitra. Ianao no mahafantatra. Fa, indray andro any, dia hisy izany. Fa, Ray, io, tsy isalasalana, no anankiray. Noho izany dia mivavaka aho mba Hanampianao azy, izao ankehitriny izao. Sokafy moramora ilay vavahady, ka manaova hoe, "Avia, ry Zanako. Midira avy amin'ilay lâlana nandreraka, nahasasatra. Efa tafintohina ianao tao anatin'ilay aizina. Mivoaka Aho, androany, mba hitady anao. Ny Fanahiko no miteny aminao sy mampiditra anao ao anatin'ilay vala ankehitriny." Ekeo izany, Andriamanitra. Enga anie io vehivavy tanora io...eo amin'ireo fihaonan-dàlan'ny fiainana mihitsy

eto. "Izay handre Ny Teniko, ka hino Izay naniraka Ahy, no manana Fiainana mandrakizay." Ekeo izany, Andriamanitra malala, ho an'io Kristiana tanora io. "Izay hanatona Ahy, dia tsy ho Laviko mihitsy." Raha mbola mitsangana ireo olo-masina ho an'ilay vehivavy tanora, mivavaka.

³³¹ Tsarovy, na dia i Paoly aza, izay notoraham-bato mafy ka teo am-pahafatesana izy, ka rehefa nitsangana teo ireo olo-masina ary nivavaka, dia niverina ny aina. Satria, tao anatin'ny vatan'ireo olo-masina ireo dia nisy an'io hery mamelembelona io izay nitondra an'ilay fanahin'aina niverina tao amin'i Masindahy Paoly. Andriamanitra, izany tokoa dia afaka mivavaka an'ilay vavaka, an'ny fahafatesana hivoaka avy...na ny fahafatesana hivoaka amin'ilay olona, amin'ny alalan'ny vavaky ny finoana, ho amin'ny fiainana. Ekeo izany, Andriamanitra malala.

³³² Tahio izahay ankehitriny raha miandry Anao. Amin'ny Anaran'i Jesosy Kristy, no ivavahanay.

³³³ Ankehitriny miaraka amin'ny lohanareo miondrika, dia hangataka an-dRahalahy Williams aho.



NY TOMBOKASEN'NY PASKA MAG65-0410
(The Easter Seal)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Sabotsy maraina, 10 Aprily, 1965, ho an'ny sakafo marainan'ny Full Gospel Business Men's Fellowship International tao amin'ny Ramada Inn ao Phoenix, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org